

警

記

清白士集卷二十二

梁玉繩

管子五子

管子之文厚重奧峭在諸子中別自一格然多後人羸入不獨

弟子職一篇附列也如小稱篇毛嬙西施天下之美人莊子齊物

論釋文引司馬彪以毛嬙爲古美人小問篇百里奚秦國之

飯牛者穆公舉而相之七主七臣篇楚王好小腰而美人省

食吳王好劍而國士輕死輕重甲篇稱梁趙戊篇稱代趙皆

非其真爾南宋韓無咎疑管子爲戰國游士所述諸子多屬

代隔越不相應合莊列爲尤甚如仲尼與孫叔敖市南宜僚

言孔子與柳下季爲友晏平仲問養生于管夷吾楊朱遇老

子湯臣夏革稱師曠師襄稱鄒衍管子尚不至此此語句間有差

小問篇東郭郵視桓公與管仲口開而不闔知是謀伐莒此事

呂覽重言說苑權謀論衡知實並載之文皆小異字音有齒

齟齬舌開合抵蹶等別周秦以前少所論及茲乃見其一端
顏氏家訓音辭篇曾舉之而房亨齡注莒字兩口故二君開
口相對卽知其言莒房注本尹知章僞託而此注甚謬口開
以音說不以字形說而呂象脊骨之形亦非從兩口且但云
兩口相對乃是呂字何以知其更從艸耶

管子多奇字如勞陞

地員

筒

輕重

泮

丁增

戊

林己之類

音義皆未詳

穆天子傳亦有奇字

老子下篇有云古之善爲道者非以明民將以愚之民之難治
以其智多故以智治國國之賊不以智治國國之福自此論
興而商鞅遂教秦孝公燔詩書而明法令見韓子韓子喻老
著王壽焚書之事其姦劫弑臣篇以誦書爲亂當世之治五
蠹篇云明主之國無書簡之文以法爲教無先王之語以吏

爲師至李斯竟緣此亡秦噫孰階之厲哉

孫武兵法十三篇而高誘注呂覽上德云兵法五千言則不獨上至經稱五千言矣

文子微明篇天地之間有二十五人上五有神人真人道人至人聖人次五有德人賢人智人善人辯人中五有公人忠人信人義人禮人次五有士人工人虞人農人商人下五有衆人奴人愚人肉人小人上五之與下五猶人之與牛馬也品分五等較九品之目爲簡確

道德篇聾蟲雖愚不害其所愛注驚聾無耳

注本淮南說林淮南脩務

訓馬聾蟲也而可以通氣志說林訓狂馬不觸水獬狗不自投於河雖聾蟲而不自陷容齋四筆以馬稱聾蟲爲奇不知狗與鼈亦俱有此目

精誠篇臯陶瘖而爲大理淮南主術全蓋其聲嘶沙非真啞也
宋史楊信以乾德四年病瘖至太平興國三年卒歷顯仕十
四年有童奴田玉能揣度其意每上前奏事及與賓客談論
或指揮部下必迴顧玉書掌爲字玉因直達其意無失奇人

奇遇古今惟信而已

南齊書蕭坦之語聲嘶時號蕭
庭宋韓琦勢聲見清波雜志

管子法法曰規矩者方圓之正也巧者不能廢規矩而正方圓
老子下篇鄰國相望雞狗之聲相聞文子精誠篇憂民之憂
者民亦憂其憂樂民之樂者民亦樂其樂故樂以天下憂以
天下然而不王者未之有也上德篇水之勢勝火一酌不能
救一車之薪墨子兼愛下篇挈泰山以超江河自古之及今
生民以來未嘗有也非攻中篇攻三里之城七里之郭非命
上篇文王封於岐周絕長纆短方地百里尉繚子武議篇天

時不如地利地利不如人和鵬冠子能天篇諛辭知其所離
淫辭知其所合詐辭知其所飾遁辭知其所極凡此或孟子
採用其語或世有成言未可知也

荀子禮論韶夏護武洵桓簡簡注簡未詳案樂舞無名簡者
疑籥字之譌左傳所謂象箛而箛也

荀氏不苟篇非十二子篇以陳仲史簡盜名爲高可謂擬不於
倫然簡著書號稱一子賴荀卿非之而聞惜無傳焉

非十二子云仲尼子游爲茲厚於後世據下文言仲尼子弓又
言子游之賤儒疑子游是子弓之譌

議兵篇云仁人之兵所存者神所過者化朱子疑是見成語故
荀孟皆用之荀卿非孟子者必不肖用其語也案荀子王制
王霸正名諸篇中多有與孟子語合者不止存神過化兩言

而要不非用自孟子法行篇子貢答南郭惠子曰夫子之門欲
來者不拒欲去者不止孟子嘗申明此旨而荀子明著其語
之所由蓋荀卿學于子弓子夏之門人其師說與子思氏全
出聖門孟所得聞者荀亦聞之未必皆世俗成語故不苟篇
中又有與中庸合者

困學紀聞云荀子非十二子韓詩外傳引之止云十子

見卷四無

子思孟子荀卿法仲尼者而非思孟蓋其門人如韓非李斯
之流託師說以毀聖賢當以韓詩爲正厚齋此言似誤韓詩
未嘗明引荀書安知非別引傳記故所舉十子有范雎田文
莊周而無它豈陳仲史鱗且荀之非孟顯著于性惡篇獨與
孟敵又法言君子篇荀卿非數家之書至于子思孟軻詭哉
是揚雄所見荀書有思孟與今本全

列子瓠巴鼓琴荀子勸學作鼓瑟蓋因下有伯牙鼓琴句改爲

瑟也淮南說山襲之謝靈運述祖德詩弦高鶴晉師改秦爲

晉避下句秦字亦類此

曹子建表赦楚趙以濟其難裴松之云素亦趙姓故互文以避上秦字

張湛注列子謂楊朱字子居案莊子應帝王陽子居釋文李云
居名也子男子通稱又寓言篇釋文姓陽名戎字子居與老
子相問答何以指爲楊朱

墨子非樂曰雄不耕稼穡樹藝雌不紡績織紉以男女爲雌雄
甚別

天志中篇大明之道曰紂越厥夷居案非命上中兩篇引此文
雖有小異而皆以爲太誓則此言大明非矣

非儒下篇晏子對齊景公曰孔丘之荆知白公之謀而奉以石
乞君身幾滅而白公僂嬰不知孔丘之有異于白公也景公

日嗚呼非夫子則吾終身不知孔丘之與白公全也無論孔

子與白公無半面識而以石乞爲孔子薦之白公奇以孔子

比白公尤奇可謂飛談無忌

墨子奇字轄鵬

非攻節用上

限

節葬

儻

天志中

搃

明親非謂經上

音義云明亦作謂

新

下經

惛

難

顛

經說

激

柱耕

蠅

羅魯

鞠圻

備城門

磨

備高

舊

備

墀

備

蝨

備

葬

備

備

音

義

皆

難

攷

晉

書

隱

逸

傳

代

墨

子

通

志

藝

文

畧

有

樂

臺

注

惜

不

子

間

有

之

今

俱

有

釋

不

錄

呂

知

上

楊朱之書不著漢錄案列子有楊朱篇此必朱所作誤合於列

子爾劉向言此篇惟貴放逸與力命篇乖背不似一家書斯

政誤合之諛而其書恐不止此淮南汜論云兼愛尚賢右鬼

非命墨子之所立也而楊子非之全性保真不以物累形楊子之所立也而孟子非之以墨書兼愛尚賢諸篇例之疑全性保真是楊朱篇名且疑楊有非墨之篇猶墨之有非儒矣莊子天下篇稱墨子爲經楊子無是稱也呂不韋書載墨家授受特詳則當時墨尤橫于楊

莊子天地篇引記曰釋文云記書名也老子所作史索於封禪書據樂彥引老子戒經則不獨道德五千言矣韓子喻老解老二篇及文子書述老子語多不見於道德豈出自別記耶

許周生云唐藝文志老子有西昇入室神策等經十種蓋皆出於依託

逍遙游宋榮子釋文但云宋國人蓋卽宋鈞也荀子天論正論言宋子有見於少無見於多見侮不辱使人不鬪韓子顯學言其議設不鬪爭取不隨與莊子天下篇言宋鈞禁攻寢兵

諸語政全而韓子稱宋榮子則爲鉞無疑向戌弭兵墨翟非

攻三人皆宋人其源流相貫也

榮鉞音相近

德充符云據槁梧而瞑釋文瞑音眠然亦可如字讀宋子京青

韻夕坐詩末句云塵機心久息寧待據梧瞑宋精小學必不

誤讀蓋二字音義本通也

宋胡方平押青韻詩亦有寧待據梧瞑句

夸聖素王見莊子天道篇後世借以尊孔子因謂左丘明爲素

臣而論衡定賢稱桓君山爲素丞相東坡和劉長安題薛周

逸老亭詩雖辭功與名其樂實素侯皆緣素臣而變言之

徐無鬼篇儒墨楊秉四與夫子爲五不知秉爲誰或以公孫龍

字子秉當之非也翟晴江云疑是孟子所稱子莫其人

盜跖篇孔子不見母外物篇釋文李云曾子爲父所憎嘗見絕

糧而後蘇又論衡龍虛篇子貢滅鬚爲婦人人不知其狀

明和

集宗炳荅何衡陽雜釋白黑論亦云
淮南說林注呂望年七

十始學讀書顏氏家訓勸學篇曾子七十乃學名聞天下

紀開七云曾參少孔子四十六歲非老而學者余疑曾子當

指會稽宋祁筆記曾子年七十文學始就乃能著書蓋少時

止以孝顯未如晚節之談治也景文本于家訓而變其辭豈

有得聞一貫時學業尚未就耶且曾子嘗云年三十四而

無藝則無藝矣五十而不聞則不聞矣潛夫論論榮云由余

以七十始能著書之人而顯爲是言哉

生於五狄越象產于八蠻而功施齊秦德立諸夏呂氏春秋

當梁云孔子學于孟蘇夔靖叔越絕云舜兄狂弟傲路史後

紀十二注引尸子云舜事親養兄爲天下法

女傳齊威成姬曰亡士歎市市爲之罷世說陳元方曰董仲

舒放孝子符起皆不知何出

困學紀聞十二載張敞報東海相朱登遺蟹書曰蓬伯玉受孔子之賜必以及鄉人亦未詳所本

漢志有龐煖二篇久不傳今觀鵠冠子則二篇全在其中卽世

漢志有龐煖二篇久不傳今觀鵠冠子則二篇全在其中卽世

賢武靈王是煖趙人蓋鷓冠弟子凡書中所云龐子卽煖也
鷓冠子班堅但言其居深山以鷓羽爲冠未釋其故翟晴江涉
獵隨筆云後漢書續輿服志鷓者勇雉爲武冠處士山林談
道無端而效武夫之服且卽以爲名亦何義哉此鷓字疑鷓
之譌漢書五行志顏注引逸周書云知天文者冠鷓冠以鷓
鳥能知天晴雨也禮圖謂之術士冠鄭子臧好聚鷓冠見殺
必以其聚術士恐謀不軌也鷓冠書皆述三才變通其篇目
有天則天權能天他如環流王鈇泰鴻泰錄等篇率多談天
之文鷓鷓字形相近譌應有之

鷓冠天權篇陸濁濁人猶陸沈也子華子北宮子仕篇餽其頤
頤於人猶左傳餽口四方也

子華子不見前錄通考引朱子及晁氏周氏陳氏極論其僞攷

呂氏春秋貴生先已誣徒明理知度俱有引子華子語今分見偽書各篇知先秦有其人著書傳世特久亡佚爾故高誘注曰古體道人據莊子讓王呂氏春秋審爲言子華子說昭釐侯司馬注云魏人作僞者失檢乃嫁名於晉程本爲程嬰之後與孔子全時其僞謬更顯然也韓詩外傳二稱齊程本則亦非晉人書中多解字義又有問黨篇昔人疑是元祐間黨人而染於荆公字說者

亢倉子卽莊周所謂庚桑楚其書九篇僞也余讀其書如稱周靈王致帛璐陳懷君賓亞嬖答國產哭秦佚時代皆不相及猶云諸子多寓言不足爲訾至稱荆君熊圍欲拜亢倉爲亞尹楚官亞尹有無不可知而自春秋至戰國楚君無名熊圍者空撰事端強安名號作僞者何不一檢史籍乎

宇宙二字有三解尸子上下四方曰宇往古來今日宙

見莊子音義上

淮南齊俗及原道注全皆本于文子

淮南覽冥訓燕雀爭于宇宙之間注云宇

屋簷也宙棟梁也楊子太玄七闔天謂之宇闢宇謂之宙

諸子中有尉繚子疑卽尸子所謂料子貴別者也又賈誼新書

數寧引髮子不知何人漢書儒林傳韓詩者有東海髮福

豈其後歟

漢志雜家尉繚二十九篇先尸子兵家尉繚三十篇先魏公子蓋兩人佼所稱非爲始皇國尉者

呂氏春秋以十一月爲暢月見仲冬紀以十月爲大月

猶左傳夏月

見任地篇差有意義他若外傳越語以九月爲七月自在爾

雅十二月名之內

諱釋韓勅修孔廟器碑以九月爲霜月錢詹事疑卽爾雅之相月

呂覽上德淮南人間訓竝云晉重耳過曹曹共公欲視其骭脇

使袒而捕魚黃氏日抄以爲無此理史記晉世家言曹共公

用美人乘軒者三百人亦全一不可信也

仲春紀注生子必有瘖瘖通精狂癡之疾畢尚書輯校云通精未詳嚴九能云此與淮南時則注全楚作案釋名疾病云脾

子明而不正曰通視蓋卽通精之謂後漢書梁冀傳洞精瞶

眇章懷注洞猶通也

以下六條呂子校補未及載故記此

音律篇黃鐘大呂太簇夾鐘姑洗仲呂蕤賓爲上林鐘夷則南呂無射應鐘爲下注律呂相生上者上生下者下生畢校云蕤賓不當爲上當在林鐘之首注當作上者下生下者上生許周生云十二律上生下生班孟堅志與呂不韋書淮南子及鄭注周禮不同班志自黃鐘始一下生一上生依次至中呂故黃鐘太簇姑洗蕤賓夷則無射六律皆下生林鐘南呂應鐘大呂夾鐘中呂六律皆上生高誘呂注所謂上者上生言黃鐘等七律由上生而得如蕤賓上生乃爲大呂故云上

也下者下生言林鐘等五律由下生而得如黃鐘下生乃爲
林鐘故云下也鄭注太師職云黃鐘下生林鐘之初六林鐘
又上生太蕤之九二太蕤又下生南呂之六二南呂又上生
姑洗之九三姑洗又下生應鐘之六三應鐘又上生蕤賓之
九四蕤賓又上生大呂之六四大呂又下生夷則之九五夷
則又上生夾鐘之六五夾鐘又下生無射之上九無射又上
生中呂之上六下生者三分去一上生者三分益一五下六
上乃一終矣疏從月令疏所引孔仲達云五下者謂林鐘夷則南呂
無射應鐘皆被子午已東之管三分減一而下生之卽高注下者下
小六上者謂大呂太蕤夾鐘姑洗中呂蕤賓皆被子午已西
之管三分益一而上生之卽高注上者上生子午皆屬上生應云七
上而云六上者以黃鐘爲諸物之首物莫之先似若無所臬

生故不數黃鐘也據此則鄭注卽本呂子惟呂兼數黃鐘爲
七上五下耳淮南天文訓數十二律上下生與鄭全後漢志
及范望注太玄竝重蕤賓上生宋書律志與淮南合惟晉書
志謂後代之音律多宗呂覽而又言算術無重上生之法以
淮南爲非梁武帝鐘律緯則謂京馬鄭蔡至蕤賓竝上生大
呂而班志仍以次下生班義爲乖是則鄭注之合于呂覽淮
南而不合於班志明甚今明北監本汲古閣本永懷堂本周
禮太師注自蕤賓至中呂上下生皆互易其字蓋校者誤以
漢志改之而不知其本不合也浦聲之十三經注疏正誤反
據太師注以改月令疏舛矣畢尚書所校呂子但知蕤賓之
上生大呂而不知蕤賓本律爲應鐘所上生如其所數則除
黃鐘外五上六下與鄭注政相反

安死篇人之壽久之不過百中壽不過六十案左僖三十二年

疏上壽百二十中壽百下壽八十又莊子盜跖及意林引王

孫子云人上壽百歲中壽八十下壽六十

淮南原道凡人中壽七十歲

必已篇不衣芮溫注芮絮也嚴九能云釋名首飾云毳毼毳芮也畫藻文於衣象水草之毳芮溫暖而潔也芮溫之義如此

高氏訓絮義亦相類

知接篇楊門之扇注門名仲弟處素云楊門乃楊木之門非門名也南史恩倖傳敘掩陽門之扇楊陽古通嚴九能云釋名釋車陽門在前曰陽兩旁似門也畢氏疏證云考工記車人羊車鄭仲師注云車羊門也陽羊古通廣雅釋器陽門蔽簷也是所謂陽門者乃車中之蔽簷門名木名兩解俱非

召類篇趙簡子將襲衛使史默往睹之期以一月六月而後反

趙簡子曰何其久也史默曰謀利而得害猶弗察也今蒞伯玉爲相史鱈佐焉案遷史不與趙簡子全時伯玉亦未爲相記事之譌爾淮南主術亦誤襲之諸子書往往有此乖刺

韓子外儲說左上趙主父令工施鈎梯而緣潘吾刻疏人迹其上廣三尺長五尺而勒之曰主父常游於此秦昭王令工施鈎梯而上華山以松柏之心爲博箭長八尺棊長八寸而勒之曰昭王嘗與天神博於此矣後世磨崖之始

外儲說左上宋襄公與楚人戰大敗公傷股三日而死攷春秋泓之戰在魯僖二十二年十一月明年五月書宋公茲父卒首尾相隔七月疑傳寫之譌

說林上謂晉人伐邢齊桓公以鮑叔晚救名美之言乃弗救鮑叔賢臣豈有利人之亡以爲名者况伐邢者狄也非晉也此

事非實

魯孟孫令秦西巴傅子事說林載之淮南人間說苑貴德亦述其事抱朴子良規云樂羊以安忍見疎秦西以過厚見親疑秦西是複氏黃山谷懷半山老人六言詩樂羊終愧巴西恐是秦西之誤

家語十卷王肅僞撰孫頤谷侍御作疏證以發其僞惟所引顏子之言未盡獲出處案韓子顯學云自孔子之死也有顏氏之儒則顏子固有書矣宋石經後有書目一碑中列顏子豈其書不載諸史藝文別傳於世至南宋猶存乎胡應麟甲乙刺言明初朝鮮國會以顏子獻朝議以僞書却之

孔叢子晚出蓋依託也其言頗雜多不可信并有猥褻之語斷非出於孔氏如子魚諫陳王以近事爲喻云梁人陽田者其

力扛鼎然無治室之訓妻不畏憚方怒妻左手建杖右制其頭妻授以背而捉其陰由乃伏地氣絕鄰人趨而救之妻不肯捨或發其裳乃解何取喻鄙俗至此與國策秦宣太后謂韓使者尚靳之言何異

高誘淮南子序言安與蘇飛李尚左吳田由雷被毛被伍被晉昌八人及諸儒大山小山之徒著此書文選卷三十注引作蘇非李上陳由古字通用壽春八公山以八人得名水經肥水注言左吳與王春傅生等尋安全詣玄洲還爲著記號曰八公記則八公名目又與高序異矣

倣真云人莫鑿於流沫而鑿於止水此仍莊子德充符語莊作流水釋文崔本作沫水而文選江賦注引淮南子莫鑿於流澱而鑿於澄水許慎曰楚人謂水暴溢爲澱當是所見本異

天文訓柔惠溫涼卽溫良也良字古與諒涼通用樂記易直子諒卽慈良而諒與涼又相通詩大明釋文涼本又作諒

地形云障氣多暗余弟處素云障卽瘴也後漢書楊終傳障毒互生文選鮑明遠苦熱行鄣氣晝熏體注引吳志華覈表曰蒼梧南海歲有厲風鄣氣宋永初山水記曰寧州鄣氣蒨露四時不絕蓋謂嵐鄣之氣也皆不作瘴字

時則訓中央之極自崑崙東絕兩恒山注云言兩未聞處素案江都劉師峻北嶽考曰曲陽在隋爲恒陽縣恒山距縣西北百四十里若渾源州在元初爲恒陰縣恒山在州南二十里山南曰陽山北曰陰此兩恒山蓋指山南山北而言猶上黨郡戰國西周策稱兩上黨也

覽冥訓庶女叫天雷電下擊注述齊寡婦事不知何出又後漢

書劉瑜袁紹傳注文選求通親親表注詣建平王上書注初
學記卷二竝引淮南子言鄉衍盡忠燕惠王信讒繫之仰天
而哭五月天爲之下霜今檢無此文

主術訓烏獲藉蕃注謂皆多力人處素云藉蕃恐非人名蓋勇
健之義抱朴子酒誡云怯懦者效慶忌之蕃捷疑卽藉蕃

脩務云馬爲草駒之時跳躍揚蹶注馬五尺以下爲駒放在草
中故曰草駒馬牝爲草馬日知錄言之甚詳此解未及

左傳羊斟姓羊名斟字叔牂故潛夫論衰制稱羊叔牂乃繆稱
訓述其事作羊羹不斟司馬貞史記索隱于張儀傳引之以

爲左

傳此漢人解經之別竹汀詹事云依淮南說則左傳當以

其御羊斷句斟不與爲一句羊蓋其御之名而字叔牂也亦
似可通然與左傳下文羊斟非人羊斟之謂二語相礙且子

史中述此事如呂覽先識說苑貴德漢書人表皆作羊斟也
人間訓秦皇使蒙公楊翁子築城備胡史但言蒙恬而翁子之
名不著案史始皇初年有將軍楊端和及并天下有五大夫
楊樛所謂翁子者樛乎端和乎抑別一人也

主術訓臧獲御之則馬反自恣高注云臧獲古之不能御者魯

人也此事甚僻若無此注恐誤解如韓子

外儲
右上

所謂臧獲不

託足於驥之類矣許周生云御爲六藝之一臧獲豈能善御
高注以爲人名頗鑿其曰魯人不過以臧氏故爾非有他據
也

道應云強臺者南望料山以臨方皇注料山名方皇水名一曰
山名文選應休璉與滿炳書注引料山作獵山御覽全然則
因策作望崩山誤矣

范論訓世俗言曰饗大高者而梟爲上牲葬死人者藁不可以藏此二事至今如是

原道云劉覽徧照注劉覽回觀也劉讀畱連之畱非劉氏之劉也回觀之解似未安且劉畱二字全音無所分別義亦相通故劉古作留堯後有畱氏劉旣與畱全而畱又與流通則劉覽猶流覽矣

爾雅釋詁劉陳也又一義

說林遺腹子不思其父無貌于心也不夢見像無形于目也案南史梁豫章王綜桓夢東昏自挈其首對綜如此非一則又何說

說山云罪當死者肥澤今俗所謂生囚肉也

說山羿死桃部注地名

部卽格字

與左傳死窮門異但詮言訓亦有

羿死於桃梧語注云梧大杖桃木爲之以擊殺羿由是以來

鬼畏桃也兩注不全當是高許二家之別後人合併無從分對似依桃杖之說爲是

覽冥道應說山竝言陽侯之波注謂陵陽國侯

一作陽陵

其國近水

溺死其神能爲大波爲人作害案漢書楊雄傳注應劭曰陽侯有罪自投江其神爲大波此當別有所據然陶潛四八目本論語摘輔象以陽侯爲伏羲六佐之一主江海路史所云陽侯司海也淮南子雲所稱當指此陽侯周方叔卮林亦依斯說

揚子雲作法言二字見莊子人間世非取論語法語之言也

法言問神篇昔之說書者序以百酒誥之篇俄空焉今亡夫案酒誥是今文竝未嘗亡揚子何以言之王厚齋困學紀聞周益公二老堂雜誌王彥賓學林曾以爲疑竊意書序云作康

誥酒誥梓材三篇其一序或子雲所見本脫去酒誥二字故有此語

老子荀揚金章宗時與經史並出題考試見選舉志可謂不倫

唐皮日休請孟子爲學科書今有司除茂才明經外有熟莊列書者亦登于科請去莊列以孟子爲主其科選舉明經事不果行宋史哲宗紀元祐二年詔舉人程試毋得於老莊列子書命題

韓詩外傳卷一柳下惠殺身以成其信此指不證岑鼎之事殺字當作忘字解莊子大宗師女偶曰殺生者不死李軌云殺猶亡也

新序節士篇衛律說蘇武不降當盛夏以旃厚衣并束三日暴武心意愈堅終不屈撓漢書但載齧雪咽糞事此可補孟堅之遺

桓譚新論二十九篇凡十七卷其書蓋亡於宋世故宋史志文

獻通考皆無之明陳氏世善堂書目有新論二卷當是後人所綴拾也仁和孫之騷搜采羣書輯成二卷昔年曾借觀于孫氏未及錄副而還之今復索已不可得矣

論衡感類篇紂父帝乙射天殿地游涇渭之間雷電擊而殺之案震死者乃紂之曾祖武乙也帝乙賢君寧有此事史記續龜策傳言桀紂射天與此全誤亦武乙事也

論衡問孔篇最無忌憚王充之爲人必傲憤不可近他若說孔子畏陽貨却行流汗亦猶莊生稱孔子謁盜跖尚得以寓言戲談置之充又言夷齊以庶兄奪國餓死不知何據

今所傳西京雜記二卷或以爲晉葛洪著或以爲吳均僞撰據洪序以爲本之劉歆洪特鈔而傳之案南史齊武諸子傳蕭賁著西京雜記六十卷豈別一書耶王伯厚以爲賁依託見

困學紀聞十二

抱朴子廣譬云晉文回輪於勇蟲而壯士雲赴案螳螂搏輪迴車而避事見韓詩外傳八乃齊莊公非晉文也

登陟篇云古人入山皆佩黃神越章之印行見新虎跡以印順印之虎卽去以印逆印之虎卽還因思唐段秀實倒用司農印追賊雖一時權宜或亦用此法宋陳善捫蝨新話謂今州縣獄中走去罪人但倒用印印所追捕文書賊可必得五代劉皇后遣人殺郭崇韜李崧倒用都統印以定人心漢隱帝詔殺郭威詐作詔書以畱守印倒用之倒印又有此二事

雜應篇余撰玉函方百卷分別病名以類相續約而易驗籬陌之間顧眄皆藥衆急之病無不畢備家有此方可不用醫惜今不傳

陶元亮著四八目宋以前無異稱司馬貞史記爾侯世家索隱
鮑彪戰國韓策注俱引之不知何時改名聖賢羣輔錄吳禮
部注國策便已改稱當是宋人妄易其名也

四八目咎繇爲秋伯二字人罕用莊子知北游有大馬之稱釋

文云司馬也今習言之

春夏秋冬四伯
本尚書大傳

意林物理論天下之害莫害於女飾一頭之飾盈千金之價婢
妾之服亦重四海之珍此古今全歎

幽求子云齊宣王見屠羊哀其無罪以豕易之此依孟子而影
撰者

周子無極之論朱陸不全然無極二字已先見周書命訓及列
子湯問非始於元公也左傳楚有費無極亦可證又周子云
賢希聖聖希天索夏侯湛閔子騫贊聖旣擬天賢亦希聖語

蓋本此

張子正蒙純駁互見當擇取之如以匏瓜不食爲夫子欲祿仕以從心所欲爲夢周公以爲山平地爲夫子惜顏淵進互鄉以樂正子爲不致其學以逸詩唐棣爲文王之詩而又以首句爲周公所加未免逞意強說

明鍾陵朱健字子強著蒼崖子十篇雖不免冗弱而時有俊語挈真篇云熱于用肝膽者必浮奢于使面目者必佻又云有志之士輕受人憎重于受人德英雄之流淡使人疑謹于使人信又云以人仇我爲我則亦仇人因我背人因人則又背我鏡治篇云人恃其壯身無壽理國狃其治祚無昌徵此數語皆近道之言不可不讀至謂始皇爲聖門功臣則邪說也

列女傳補勘

劉氏列女傳向與孫頤谷侍御仲弟處素據明張溥翻宋本
粗校一過欲再加搜討刻入抱經堂羣書拾補中因循未果
今抱經老人及仲弟相繼下世余與頤谷意致索然無心卒
業適元和顧之達氏重鐫是書其季廣圻作攷證附卷末多
與余輩向校相全遂取顧本參對翦其繁複祇就所未及者
條錄於此以補涓銖云爾

附處學
士校語

母儀傳 案御覽百三十五引列女傳云黃帝妃曰嫫母於四
如之班居下貌甚醜而最賢心每自退疑古本以嫫母爲首
不始有虞二妃蓋今本脫缺也又案宋王回序言每篇皆十
五傳今母儀篇止十四增嫫母傳乃合十五之數矣詩齊風
雞鳴疏引列女傳魯師氏之母齊姜戒其女曰平且纒笄而
朝則有君臣之嚴不知見于何傳恐是別引他書誤稱列女

或以爲古本有師氏母傳未敢謂然

有虞二妃

二女乃與舜藥

句浴汪句遂往

案唐文粹四十

七陸龜蒙雜說作二女教以藥浴注

一云

豕而後免不可解

舜之女弟繫

案繫疑欸手二字之譌說見余人表攷三

號曰重華

孫云後漢書張衡傳注引無此句

卒享福祿

孫云祐一本作祐是也與上句韻

契母簡狄

有娥氏之長女也

孫云初學記九引此句上有

帝嚳之少妃五字

盼母塗山

不入其門

孫云御覽百三十五引盼母塗山者

夏禹之妃塗山之女也禹娶四日而去治水盼旣生呱呱而

泣禹三過其門不入較今本遠勝

湯妃有嬖

卒致王功

仲云後漢書文苑崔琦傳注引湯娶

有莘氏女德高而明伊尹爲之媵臣佐湯致王訓正後宮嬪御有序咸無嫉妬也御覽百三十五引湯妃有莘之女也擇德高如伊尹者爲之臣佐湯致王訓正後宮嬪妃有序咸無嫉妬逆理之人生三子太丁外丙仲壬教誨有成太子早卒丙王嗣登大位與今本各不全

周室三母 有呂氏之女 案呂爲台之譌御覽百三十五引作台與部全

太王娶以爲妃 案史周紀正義引太姜有邑而貞順率導諸子至于成童靡有過失太王謀事必於太姜遷徙必與後書崔琦傳注引太姜者太王之妃賢而有邑生太伯仲雍王季化導三子皆成賢德太王有事必諮謀焉皆與今本異耳不聽淫聲口不出敖言 案崔琦傳注引作耳不聽惡聲

大戴禮保傅篇盧辨注引作口不起惡言

文王生而明聖太任教之以一而識百 仲云司馬溫公家

範載其事作文王生而明聖卒爲周宗孫云御覽百三十五

引此教之以一而識百下有卒爲周宗四字與家範合

目不視于邪色耳不聽于淫聲 仲云大戴禮注溫公家範

朱子小學立教篇引皆無兩于字

才德必過人矣 仲云大戴禮注作才過人矣家範作才藝

博通矣

以進婦道 案崔琦傳注引進作盡

文王理陽道而治外文母理陰道而治內 案崔琦傳注引

文王理外文母理內

次則周公旦次則管叔鮮 次則霍叔武次則成叔處 案

以管叔居周公下霍叔居成叔上而又以成名處霍名武皆
誤詳余史記志疑卷十九

衛姑定姜 夫禍衛國也夫 孫云據左傳成十四年上夫字
當作天俗本以夫字屬上句非

若令無神不可誣 孫云左傳襄十四年云無神何告若有
不可誣也文義較明

兆如山林 孫云左傳襄十年林作陵是也陵與雄韻協

獲鄭皇耳於大丘 孫云犬誤大

鄒孟軻母 此非吾所以居處子 仲云朱子小學引此非所
以居子也下句亦然孟子題辭疏引傳作此非吾所以處子
也家範作此非所以居之也今作居處似贅然文選景福殿
賦注引作此非所以居處子也

真可以居吾子矣 仲云家範作此真可以居子矣選注作此可以居子矣

問曰學所至矣 案曰矣二字衍孟子疏引孟母問學所至寧能依其夫子 孫云一本依作衣

而明於姑母之道 孫云御覽五百十七作姑婦

孟子曰不敏 孫云疑當作不敢

故有閨內之修 仲云朱子斯干詩傳引作閨門之脩

魯季敬姜 敬姜守養 盧校作守義

敬姜力績 仲云當作方績

無自以怠 孫云國語自作日

則士之妻 案國語作列士則列古通

吾不自安 案吾一本作胡與國語全

羞鼈焉爲小 案爲字衍一本無爲字

戒止妾曰 案止一本作其與國語全

二三婦之辱共祀先祀者 孫云上祀字衍國語無

繹不盡飲則不退 孫云國語繹不盡飲則退注不盡飲禮

而退恐有醉飽之失此譌飶爲飲又衍一不字

楚子發母 王使人往江之上流 盧校作注江

士卒并分菽粒而食之 孫云并疑半

魯之母師 臘月 孫云御覽四百三十作日上文亦是臘日

使明請夫人 孫云御覽四百三十作朝謁夫人

魏芒慈母 何以異于凡母 案家範作凡人

遂說之 案家範說作訟

慈母以禮義之漸 案家範作漸之

賢明傳周宣姜后 妾之不才 仲云後漢書皇后紀崔琦傳

文選景福殿賦注皆無之字

敢請婢子之罪 仲云文選鷦鷯賦注引姜后曰雖鳩之鳥

猶未嘗見其乘居而匹游今無此文蓋卽第三卷曲沃負語

齊桓衛姬 桓公好淫樂衛姬爲之不聽鄭衛之音 仲云後

漢書列女傳注引齊桓公好音樂衛姬不聽五音以諫公文

選女史箴注引與今本全

頌桓公加焉 案嘉加古通

晉文齊姜 其能及 案外傳晉語四此似脫乎字

過曹邾鄭楚 案邾一本作宋是

彼美孟姜 孫云後魯黔婁妻傳引詩仍作淑姬

秦穆公姬 與簡璧 孫云左傳正義引與下有女字

且告穆公 案且一本作且是

楚莊樊姬 乃不食禽獸之肉 仲云後書列女傳注引楚莊王好田獵樊姬故不食鮮禽以諫王與今本異又文選女史箴及景福殿賦注引此傳多不全疑今本有脫文

周南之妻 君子以是知周南之妻而能匡夫也 案而字衍宋鮑女宗 澈漢酒醴 孫云說文繫傳澈作激嚴九能云爾雅釋言漢清也

以善從爲順 孫云文選晉紀總論注引貞順婦人之至行也當在此句下今本脫

陶答子妻 欲以澤其毛而成文章也 仲云初學記二引欲以澤其衣毛而成其文章文選謝玄暉之宣城詩注作南山有玄豹隱霧而七日不食欲以澤其衣毛成其文章至于犬

豕肥以取之逢禍必矣與今本不全

君子謂答子能以義易利 案答子下一本有妻字此脫又

文選與朝歌令吳質書秋風辭注並引列女傳陶答子妻曰

樂極必哀來

前引一條無來字

今本無此語

柳下惠妻

終不蔽兮

案後漢書逸民傳序注引蔽作敝

嗟呼惜哉

孫云文選曹子建三良詩注引作吁嗟鮑明遠

東武吟注全

魯黔婁妻

食不充口

孫云選注曹子建張景陽雜詩兩引

口皆作虛而陶徵士誄注作口不充膚疑虛爲膚之譌余謂

虛字勝抱朴子自敘篇食不充虛蓋用此

頌布衣褐衾

案衾當叶音羌衾從今得聲易林今與房爲

韻叶居良切音姜衾今一爾

清白士集 卷二十一
不求豐美 衆美叶仲良切

齊相御妻 妾是以去也 仲云上文無請去之語疑去字乃云之誤

楚老萊妻 爲人所制也 孫云文選郭景純游仙詩注引此句上有居亂世三字劉夫人墓誌注全疑今本脫頌有妻曰世亂句

投其畚萊而去 孫云選注引無萊字疑衍余謂上文有戴畚萊句似非衍字

楚於陵妻 夫子織屨以爲食非與物無治也 仲云家範作夫子織屨以爲食業本辟而無憂者何也非與物無治乎

甘不過一肉 孫云選注七命引甘上有所字韓詩外傳九全仲云家範作所飽不過一肉

仁智傳密康公母 姓魏氏 案史記周本紀集解引姓隗氏

魏字譌

楚武郢曼 師次亂濟 仲云次字當在亂下

許穆夫人 言今者 孫云言字衍余疑意之譌

頌後果遁逃 案逃叶田黎切

曹僖氏妻 不知其臣者 孫云臣是君之譌一本作君

晉伯宗妻 謂大夫皆謂我知似陽子 孫云上謂字一本作

諸是也此譌

諸大夫慕子若也 孫云慕一本作莫是

郤害伯宗 仲云郤上似脫三字

頌州犁奔荆 案荆叶居良切

衛靈夫人 知此謂誰 仲云藝文類聚六十二引謂作爲

此簋伯玉也 案簋字从斗誤竹

敬於事上 仲云於一本作以藝文類聚是於字

魯滅孫母 同者其文錯 孫云御覽七百六十三作同魚有

文錯

是有木治 孫云御覽作是以知有木治

晉羊叔姬 是於夫子不於也 孫云句有譌一本作不容

隨大夫而化者 盧校作大人

今將滅羊舌氏者必是子也 案文選爲袁紹檄豫州注引

長姒產男叔姬往觀之曰其聲狼也狼子野心非是莫滅羊

舌氏乎與今本異

而豕啄 案啄乃喙之譌

是不可饜也 案饜一本作饜與國語全此譌

晉范氏母 其三子□於趙氏 孫云三子下一本是游字

趙簡子乘馬園中園中多株 孫云說文繫傳木部株字注
引智伯之園多株不便於馬范氏之子謂伐之也與此異

魯公乘姒 其族人死 盧校作其夫死

以此相一國□□政何以理之 案國下一本是據大二字

政一作衆

魯漆室女 女倚柱而嘯 孫云後漢書劉陶傳注引嘯作啼

下何嘯之悲作哭御覽九百七十九引作歎據頌倚柱而嘯

與妙字爲韻則應作嘯也

魏曲沃負 如耳未遇門 案一本門作闕此脫

此殷貞女之行而亂男子之別也 孫云殷一本作毀是也

男子御覽四百五十五作男女

周之康王夫人晏出朝關雎起興 孫云文選皇后紀論注
引作周之康王晏出朝關雎預見王氏詩攷全今本康王下
誤增夫人二字又謬改預見爲起興

貞順傳 丁教授杰云貞順本作慎宋人避諱改古通

蔡人之妻 雖其臭惡 孫云御覽四百四十一其作甚

齊孝孟姬 母醮房之中 仲云當作醮之房中

息君夫人 頌夫人持因 孫云因一本作固是

齊杞梁妻 乃枕其夫之屍於城下 孫云後漢書劉瑜傳注

引枕作就選注全

內誠動人 仲云文選洞簫賦求通親親表注引誠竝作誠

楚昭貞姜 王與宮人約令召宮人必以符 案藝文類聚十

八引作大王與宮人約命曰召若必以符餘亦小異

守一節而已 孫云御覽四百四十一守節而已矣

嗟夫守義死節 孫云御覽嗟乎夫人守義而死

頌上配伯口 案伯下一本作姬

楚白貞姬 白公生之時 仲云藝文類聚十八引作白公無

恙時

衛宗二順 衛宗室靈王之夫人 孫云衛無靈王未詳何人

下文封靈王世家語亦未詳仲云王卽玉字靈其氏玉其名

故後稱靈氏蓋靈公之後以諡爲氏者也

不幸早終 仲云家範不幸上有公字

無怠倦時 仲云家範作無時懈倦

夫人聞之懼 盧云懼意安也一本作懼

頌夫人慚辭 案一本作主婦慚讓

禮甚有度 案一本作禮甚閒暇

魯寡陶嬰 其歌曰 案御覽四百四十一載歌曰悲黃鵠之

早寡兮十年不雙宛頸戢翼兮不與衆全時則飛鳴兮獨行

惇惇天命令然兮塊獨永傷 泣下成行 雖有賢雄兮今

本脫誤當以御覽爲政 嚴九能云嗚呼哀哉兮死者不可忘

哀哉兮是亦難忘殆本於此

梁寡高行 而美於行 孫云御覽三百六十七美作敏

梁貴人多欲爭取之者 仲云藝文類聚十八引梁貴人爭

欲取之

妾夫不幸早死 仲云藝文類聚引妾之夫不幸先犬馬 選文

求立太宰碑表注云妾填溝壑妾宜以身薦棺柳守養幼孤

之夫不幸早死先犬馬 不得專意疑今本有譌脫

陳寡孝婦 備吾不還 孫云備疑儻字盧云備或防之意
姑死葬之 孫云御覽四百十五姑年八十四壽乃盡賣其
田宅以葬之此有脫文

節義傳楚成鄭晉 鄭女之嬴媵 案嬴媵未詳唐余知古渚
官舊事卷一云鄭子晉者成王夫人鄭姬之媵者

晉圉懷嬴 孫云懷嬴何以入節義傳史通云懷嬴失節目爲
貞女

楚昭越姬 案姬字誤渚官舊事作越姬

下全

楚昭王之姬也 案姬當作妃渚官舊事作昭王聘爲妃
遂登附社之臺 孫云御覽四百六十八作附莊

不死王之好也 案渚官舊事好下有內字

蓋將之妻 戎伐蓋 孫云周幽王六年西戎滅蓋見竹書

遂自殺 孫云此下疑有脫文

頌陳設五榮 孫云句未詳其義余疑指傳中忠孝仁義賢五者榮名也

魯義姑姊 幸而得幸 案家範作幸而得免

代趙夫人 君子謂趙夫人善處夫婦之間 仲云夫婦疑當作兄弟

齊義繼母 吏訊之 孫云御覽四百十六引作診

夫言不約束已諾不分 案家範作失言忘約已諾不信

魯秋潔婦 既納之五日去而官於陳 案藝文類聚十八引作五日而去官於陳文選顏延年詩注官亦宦字

見路旁婦人採桑 案藝文類聚十八文選顏延年詩注及御覽九百五十五引見路旁有美婦人方采桑類聚美上又有十一字

若曝采桑吾行道遠願託桑蔭下滄 案類聚作苦曝獨采

桑下滄作下一食

力田不如逢豐年力桑不如見國卿 案類聚作力田不如

逢少年力桑不如見公卿御覽作力田不如逢年力桑不如

見郎

織維 案類聚作經織

周主忠妾 主大怒而笞之 孫云初學記十九引作主父怒

魏節乳母 殺魏主瑕 案主一本是王字史記魏世家注引

秦殺假

頌與俱遁逃 盧云疑逃遁

梁節姑姊 其友止之 案友字疑

珠崖二義 鏡奩中 孫云奩玉篇引作簏

初在左右顧心恐母云置鏡奩中 仲云家範作初在左右
心恐繼母去置奩中此作云誤

君不幸 案家範作君子不幸

哀慟旁人 盧云慟當改動

不能忍決 案家範作不忍決

郟陽女娣 案一本作郟陽是

壽會赦 孫云壽上脫延字一本有

馮翼王讓 仲云一本作馮翊是全下家範馮翊上有左字王

讓蓋卽太守也

君子謂友娣善復兄 案女譌友

辯通傳齊管妾媵 昔者 孫云此上應有媵曰二字

儻儻之魚 孫云一本儻是也

頌相遇甯戚 案一本相作桓是

楚江乙母 而失大王哉 孫云御覽八百二十引失作千

晉弓工妻 以其言 案韓詩外傳八作以爲儀而藝文類聚

六十引作以其儀御覽三百四十七引作以其言爲儀今本

有脫誤

齊齊槐女 願得備數於下 案下陳脫陳字晏子春秋二有

阿谷處女 切有狂夫名之者矣 案竊譌作切

此之謂也 孫云文選琴賦注引游女漢水神鄭大夫交甫

於漢臯見之聘之橘柚今本無此條附記於此余案江賦注

引韓詩內傳曰鄭交甫遊彼漢臯臺下遇二女與言曰願請

子之珮二女與交甫交甫受而懷之超然而去十步循探之

卽亡矣回顧二女亦卽亡矣事與琴賦注相類仲云游女事

出列仙傳選注誤以爲列女也

南都賦注引外傳全文小異

趙津女娟 趙河津之女 孫云文選顏延年侍游曲阿後湖

詩注引津下有吏字

不勝玉祝 仲云當作巫祝

娟攘卷操檝 升彼阿兮面觀清 孫云選注引卷作袂阿

作河面作而

齊威虞姬 佞臣周破胡 孫云文選景福殿賦注引此上有

諸侯竝侵之句當增與下文遂起兵收故侵地句相應

齊鍾離春 白頭深目長指大節印鼻結喉 仲云世說十八

注引黃頭深目長壯大節鼻印結喉初學記十九引白頭深

目長壯大節印鼻結喉後漢書楊賜傳注引亦作長壯印鼻

新序
二全

年四十 案一本年上有行字與新序世說注初學記全惟
楊賜傳注無行字

銜嫁不售 案楊賜傳注初學記引銜作行

自詣宣王 案文選景福殿賦注引此下有願乞一見四字
新序亦有願一見語

莫不掩口大笑曰 孫云御覽三百八十二作莫不掩口而
笑王曰

今女子 孫云御覽作夫人

何喜 孫云御覽喜作善下喜隱亦作善隱

齊宿瘤女 宿瘤駭 仲云上下疑有脫文

於是諸夫人皆不慚 案大譌不

齊孤逐女 王輟食吐哺而起 仲云初學記十九引王輟食

清臣集 卷二十一
而起謹敬

楚處莊姪

仲云渚宮舊事作莊姪姪字譌

全下

孽嬖傳殷紂妲己

諛目羣女

孫云目一本作臣是

紂乃爲炮烙之法

案盧校改烙爲格有說見鍾山札記

魯莊哀姜

與其弟叔姜俱

案弟當作娣

公使大夫宗用幣見

盧校宗下增婦字

晉獻驪姬

而楚穆弑成

案事在晉獻公後與楚平伯嬴傳

稱秦穆公齊傷槐女傳稱宋景公全一乖刺

魯宣繆姜

聰慧而行亂故諡曰繆

案此讀繆靡幼反與秦

繆公之繆音謬全屬別解

棄位而放

孫云左傳襄九年放作媯

齊靈聲姬

佐遂奔莒

孫云左傳成十七年奔莒者高無咎

非國佐也時高無咎之子高弱以盧叛故慶剋帥師圍盧亦未嘗闕焉

齊東郭姜 與東郭戲姜 孫云一本戲在姜下是

請就元君之廟 孫云一本元作先是

不聞 案一本作不開是

趙靈吳女 窺羣臣宗室 案史記趙世家室下有之禮二字此似脫

乃探雀鷺之 孫云一本鷺字下有而食二字

楚考李后 今君相述三十餘年 孫云史記作二十餘年是君用事又 孫云一本又作久是也史記君費用事久

謹舍之言之考烈王 仲云上之字疑而字之譌國策云謹舍而言之楚王

趙悼倡后 前日 盧校改日作嫁

續傳周郊婦人 周赧王之時 仲云一本作敬王是

出奔走 仲云走字一本作楚是

陳辯女 有鶚萃止 仲云鶚乃鴞之譌一本是鴞字

聶政姊 不去死以滅名 孫云吳師道國策補注作不怯死

陳嬰母 棠邑侯 案堂堂古通詳余史記志疑弟子傳

始嬰爲東陽令大居縣 案大一本作史是也嬰爲東陽令

史爲一句

霍夫人顯 言肆於惡 案肆一本作怙

嚴延年母 論府下 仲云漢書酷吏傳會府論上此作下譌

爲府丞所章結 孫云當作上章告字譌也

班婕妤 閔繁華之不茲 痛陽祿與祜館兮 豈一人之殃

咎兮 孫云一本茲作滋祐作柘一作妾與漢書外戚傳全

此譌

上文雖愚陋其靡及乎當依漢書乎改兮

漢孝平王后 婉淑有節行 孫云說文繫傳心部瘧字引作

婉瘧文選女史箴注引曹大家列女傳注嫫深窵也疑舊本與漢書全仲云洞簫賦厭瘧注亦引曹注瘧深窵也蓋嫫瘧

全一字音翳

欲只依霍光故事 仲云只字衍

因廢疾 仲云廢乃發之誤

梁鴻妻 梁伯淳之妻 孫云梁鴻字伯鸞此云伯淳未詳

自名曰運期字俟光 案范史逸民傳易姓運期名耀字俟

光此有脫誤但俟字無意義似俟字爲勝抑俟乃俟之譌歟

明德馬后 立長秋官 孫云官當作宮

未嘗臨御窗又不好音樂 仲云據後漢書皇后紀窗疑志
之譌孫云東觀記曰希嘗臨御窗望此脫望字耳

讀楚辭不竟賦誦過耳 仲云句不解

諸王財今半楚淮陽王 孫云今一本作令是

異欲上不負先帝 孫云異乃冀之譌一本是冀字

身溫飽祭祀 案一本飽下有耳字祭上有今字此脫

郡國旣珍 盧校旣作之

梁夫人嫗 案嫗乃嫗之譌

得見龍乘 孫云龍乘一本作寵幸是

爲竇恚兄弟 孫云恚乃憲之譌

寃死年獄 孫云年一本作牢是

攬統萬里 海內黯然 仲云一本里作機黯作曠此誤

我目更視 仲云一本我作拭是

榮父之媿 孫云媿一本作魂此譌也

清白士集卷二十三

梁玉繩

督記六 詩文

陶詩有榮木四首梧桐也爾雅榮桐木注家皆不說擬古詩聞有田子春謂田疇也范史劉虞傳注引魏志云字子春而三國志及水經鮑邱水注作子泰通雅卷首以爲史避作泰未知是否

靖節與仲弟敬遠詩荆扉晝常閉與絕夕等韻全押案閉卽閉字而閉又音方結切故押入聲字从卞荀子外闕而不閉

沈佺期長流驩州有移驩州解詩古來堯禪舜何必罪驩兜無論隋唐驩州非因放驩兜得名四書釋地辨之甚詳而攷呂氏春秋韓

子博物志山海經注俱謂伯鯀共工三苗諫沮禪舜得罪本屬謬說不聞驩兜沮禪被放文人多不檢勘

杜詩丈人屋上烏人好烏亦好用尚書大傳太公語也晉趙王
倫收解系兄弟曰我於水中見蟹且惡之況此人兄弟輕我
邪桓伊詣忠敬王遵遵曰我聞人姓木邊便欲殺之况諸桓
乎則豈僅所謂不愛人者及其肯餘也

宋劉興伯蘆浦筆記云杜詩覓胡孫第二聯舉家聞若駭爲寄
小如拳每疑其非是趙叟謂合移斷章童稚捧應頗作第四
句却於許求聰惠者下云爲寄小如拳則一篇意義渾全亦

成對偶

居易錄
亦言之

杜詩千家注有東坡汪應辰文定集書少陵詩集正異云閩中
所刻東坡杜詩事實者不知何人假託皆鑿空撰造無一語
有來處朱子云閩中鄭昂僞爲之蓋此猶王梅溪蘇詩注亦
僞託也

太白早發白帝城詩兩岸猿聲啼不住案水經注瞿塘峽多猿不生北岸非唯一處或有取之放著北山中初不聞聲將全貉獸渡汝而不生矣則白詩誤

李賀追賦畫江潭苑詩練香熏宋鵲吳正子箋注未詳或云獵犬而以香熏之亦好鶴乘軒之比似未確王孝廉謂疑是熏爐作臥犬形如睡鴨之類

元白次韻自號元和體以爲古所未有案洛陽伽藍記王肅繼妻代荅肅故妻謝氏詩次用絲時兩韻梁武帝全王筠和太子懺悔詩云仍取筠韻此和韻之始

陳陶隴西行可憐無定河邊骨猶是深閨夢裏人無定河在今陝西綏德州卽圓水也圓字變作銀宋史神宗紀元豐四年种諤敗夏人於無定川卽此

韋莊詩蛛羅滅又光案意林傅子曰蜘蛛作羅蜂之作窠其巧亦妙矣蛛羅二字本此又可稱蛛繩姚合夏中苦雨詩蛛繩續瓦溝

晚唐詩人中薛能最庸妄觀其詠海棠荔枝詩序柳枝詞注高自夸譎蔑視劉白不知其所謂不媿不負者何在籌筆驛詩譏諸葛武侯非王佐才直是病狂之人其遭慘禍固宜獨張乖崖重次其詩而序之曰放言既奇意在言外見宋祁張能尚書行狀之知已惟張尚書而已

蜀王衍宮詞月華如水浸宮殿有酒不醉真癡人明弘光殿上

楹帖萬事不如杯在手一年幾見月當頭荒亡之言二君如

出一口楹帖是王鐸書

何良俊四友齋叢說謂二語乃吳中老儒朱野航詩鐸蓋書舊句

詩忌襲前人然古人作詩往往不忌用舊句如古樂府雞鳴高

樹頭狗吠深宮中陶靖節云犬吠深巷中雞鳴桑樹頭何遜
詩薄雲巖際出初月波中上沈佺期詩船如天上坐人似鏡
中行老杜江邊小閣云薄雲巖際宿孤月浪中翻寒食舟中
云春水船如天上坐老年花似霧中看杜詩夜足霑沙雨春
多逆水風白香山云巫山夜足霑沙雨隴水春多逆浪風此
類甚衆不可枚舉亦有全篇襲之者徐陵鴛央詩山雞映水
那相得孤鸞照鏡不成雙天下眞成長會合無勝比翼兩鴛
央黃山谷題畫睡鴨云山雞照影空自愛孤鸞舞鏡不成雙
天下眞成長會合兩鳧相倚睡秋江香山寄竹簡詩相去六
千里地絕天邈然十書九不達何以開憂顏渴人多夢飲飢
人多夢餐如何春來夢合眼到東川山谷截爲兩首一云相
望六千里天地隔江山十書九不到何用一開顏二云病人

多夢醫囚人多夢赦如何春來夢合眼在鄉社又黔南十絕
亦全用香山花下對酒渭川舊居諸作在名家偶戲爲之未
許效輦叵耐古人多意智預先偷我一聯詩尚有議之者矣
宋呂陶淨德集三黜詩云下惠爲士師子文乃令尹仕也固不
喜黜之何嘗慍下惠之稱似太割裂然有所本列女傳柳下
惠妻頌曰下惠之妻賢明有文將誅下惠妻爲之辭漁隱叢
話載石林詩話引嵇康幽憤詩昔慚下惠晉書文選今愧孫
登劉貢父詩話云劉子贈人詩惠和官尚小取下惠聖之和
王元之牡丹詩顏生如見此未免也醞酣自注顏回不飲酒孫
頤谷云此語見莊子人間世

坡翁和陶詩脫衣裹凍酒每醉念此生案金段繼昌子新家貧
而好飲一日天苦寒人遺之酒飲不盡而醉夜半忽驚起以

衣衾覆酒缸，僵臥榻上。曰：人病尚可，酒病不可療也。段君竟爲坡詩作實證。

黃庶伐檀集詠雪云：疑是天公戲，都傾海作鹽。陶穀清異錄：凡雪，仙人亦重之。號天公玉戲。黃蓋用其語。東坡詩每用本朝故事，亦有用竝時人語。如是是堂詩用歐陽公，非非堂記之類。

彭龜年讀書吟示子鉉云：吾閱讀書人，惜氣勝惜金。纍纍如貫珠，其聲和且平。忽然低復昂，似絕反可聽。有時靜以默，想見紉繹深。心潛與理會，不覺詠歎淫。昨夕汝讀書，厲響驚四鄰。方其氣盛時，聲能亂狂霖。倏忽氣已竭，口亦遂絕吟。體疲神自昏，思慮那得清。安能更雋永，溫故而知新。永歌詩有味，三復意轉精。勉汝諷誦餘，且學思深湛。余每哦忠肅此篇，以爲

讀書之法盧仝寄男抱孫詩亦云尋義低作聲便可養年壽
莫學村學生麤氣強叫吼

陸放翁哭張季長詩半年僅得陳尊鯽白首臨風涕自潛祭周
益公文豈無尊鯽致此薄爾尊鯽二字出杜集祭房相國文
放翁蓋愛其語故屢用之

東坡謝量移汝州表疾病連年人皆相傳爲已死飢寒併日臣
亦自厭其餘生范石湖甲辰人日病中六言詩人應見憐久
病我偏自厭餘生元遺山感事詩人皆傳已死吾亦厭餘生
郭鈺晚眺詩飢寒久已厭吾生俱用坡語昔人謂老杜贈嚴
闕老詩蛟龍得雲雨鵬鴉在秋天全用晉書載記政此類也
劉後村詠彭祖詩活得如彭祖憂愁八百春頻爲哭殤與屢作
悼亡人謔而趣絕唱也

孫氏山曉閣集有贈慈航道人全姪閻客入黃山埽藥菴和尚塔詩我遊黃山至雲谷鐵夫邀我方丈宿松間忽到兩肩輿一是老尼一儒服自言金姓閻客名奉姑埽塔黃山行姑受藥菴親付囑言之未盡涕泗傾太史正希是我祖隱士靜思是我父我父垂髫遭亂離我祖捐軀報故主又云金熊相約成秦晉兵燹存亡斷音姓藥菴卽是我姑翁往劫沉灰休更訊人生苦海歎茫茫超登彼岸藉慈航慈航道人翁所命了却三生夢一場觀此詩知金文毅公聲有子有女有孫女適熊開元子後爲尼邵長蘅明翰林院修撰金公傳公子敦涵詩中所稱靜思當是敦涵之字

上元黃九烟西湖竹枝魏監門前白石獅何人移供岳王祠英靈不受姦璫物一夕風雷折大旗此詩足備鄂王墳掌故

王阮亭悼張夫人詩一語寄君君聽取不教兒女衣蘆花案明
胡侍眞珠船載成化丁未進士仁和鄧公輔妻宋氏臨絕寫
詩訣鄧云崑山片玉本無瑕女子生來願有家誰料中途妾
薄命莫教兒女著蘆花又何良俊四友齋叢說嘉定一民婦
臨終書一絕與其夫云當時二八到君家尺素無成愧泉麻
今日對君無別語免教兒女衣蘆花阮亭葢襲之阮亭詩鞞
上奇鷹皆戴角御前天馬盡拳毛時稱名作亦襲柳貫句也
貫和袁學士上都雜詩奇鷹皆戴角御馬盡飛龍

仁和王百朋錫作李白絕句誰道謫仙狂豪情託舉觴月無高
力士心誠郭汾陽沈歸愚宗伯評曰青蓮大節已盡二十字
中然本于元舒士謙遜詠李詩也舒作氣吞高力士眼識郭
汾王

武進閩秀吳文璧詠虞姬云大王真英雄姬亦奇女子惜哉太史公不紀美人死案姬墓在靈璧縣東三十里虹縣道南陰陵山北蓋姬死于陰陵失道時也

玉几山人陳撰字楞山以詩畫名一時杭董浦太史作山人小傳稱其詩有逸才天然高澹所刊繡鈔集秋吟擬古各一卷其擬古云開帙肆流覽踟躕五情熱還酌一杯酒泣與詩書別生人寓一世歛如電光滅既罔顧孫謀亦昧蔡澤說秋實既不采春華復凋歇何爲勞心神矻矻廢歲月願言辭器塵冥心寄巖穴又云世俗拘耳目羣和失其真不知天下才有時還賤貧槩澗倘終老身沒名亦湮哲人恥浮慕遠與太古鄰神交豈象合心往道彌親泥塗苟自得軒冕寧足珍又云市門競錐刀志士爭懷抱誠使中心安此外均草草貧賤固

有分簪裾何足道松柏本不凋何知春風好又云勞生何時
已早夜殊懔懔一朝魂魄離賢聖復何用銘旌指荒郊喪輿
遂相控親戚空追隨哭泣徒悲慟萬古一棺灰生人遞相送
又有聞蛩句云疎燈人醉後細雨客愁中里居云祇因吾道
拙轉見世人才春歸云世事淡流水年華負客心山人無子
以弟之子仁瞻爲後家業蕩泯乾隆甲寅仁瞻年七十四以
貧病死一子震字東起

翟晴江爲衢州教授時有鳳集于學宮移時向南飛去未及申

聞因作歌紀其事有云紀歲在戊寅

乾隆二十三年六月二十七晨

光初熹微門童叩闥述橫霞坪上梧桐枝有鳥集止超凡儀
雄雞冠綏鸚鵡喙頸蛇領燕尾鷓鴣其高六尺橫倍之體聞
黑白章首具五彩姿鳩鵲鵲千選相追隨初來未知自何

所但聞羣翼鼓風雨開門遙見兀不鳴衆鳥列侍如環堵

膠州李霞裳進士

名世錫

詠甘草詩歷事五朝長樂老未曾獨將

漢留侯揚州張哲士詠胭脂云南朝有井君王辱北地無山

婦女愁

人呼張胭脂

詠物雄俊不可多得

錢唐諸生洪豆村名簡字辟支工詩人無知者著有激提集卒于乾隆乙亥年八十餘豆村之門人汪毅山愛其詩毅山死以其槁殉葬近人朱文藻搜錄如干首跋而藏之余猶記其詠算盤一聯云合定二五耦分開上下牀警絕

南海閩秀徐叶英能詩山陰何綱文客粵中強委禽焉何母復爲聘仝里胡氏女兩未之知居粵十年生二子偕歸胡本豪家聞之欲絕婚母利其富竟逐叶英并逐二子幼者以悸死寄棲尼菴其後攜子熊兆藉星卜返粵余見其詩三卷多可

嘉者一時詞人皆作歌述其事徐聞雁詩云何處飛來絃上

聲人間天上共淒清莫爭先後爲賓主寧識炎涼有弟兄

弟

山間關

來訪 萬里翱翔雙翼健一江搖落早寒生十年去國懷鄉

客此夕樓頭夢易驚煮菊云寒闌久病無良藥借洗秋心一
字愁感懷云少陵猶說文憎命何況詩詞屬女兒

鎮江布衣李琴夫詠佛手詩白業堂前幾樹黃摘來猶是帶新
霜自從散得天花後空手歸來總是香袁簡齋太史以爲空
前絕後之作

明魯王時大司馬張忠烈公煌言葬南屏山荔子峯下在昌化
伯邵林墓之西乾隆王子杭人勒碑表其墓錢廣伯弔忠烈
一絕云華表何年立豐碑此日題從教樵采者不到邵墳西
吳縣周以豐字少蓮貧而能詩有春寒絕句云東風吹雨百花

殘不典縑袍一醉難還是去衣還去酒費人斟酌是春寒

吳江郭麐字祥伯磊落士也眉中有白毛人以白眉稱之詩筆清俊嘗於嚴歷亭司馬處識其人記其過友人村居次韻二絕云不住前邨住後邨邨邊新漲沒溪痕野花獨背東風笑圍住一家青竹門綠蓑青笠我思存可惜此來無酒尊若借一間茅屋住水楊柳下別開門袁簡齋太史徵生挽詩祥伯作最諛諧痛快人間奇事那有此隨園先生今不死無端生索挽歌詞友朋畧盡徵弟子弟子挽歌如祝嘏皆言且住爲佳耳我曰唯唯否不然如先生者可死矣先生弱冠稱詞臣筆花四照開陽春金門玉堂住不得天教歸作羲皇民倉山一臥今行老始信當年挂冠好千秋之事七十身白髮多於書帶草男兒不必定作鶴髮翁亦復不必登三公生能快意

死亦得不爾真乃可憐蟲人間何限秋風客一日胸懷行不
得亦有鐘鳴漏盡時仕宦不止有人嗤先生得天何獨厚生
則人先死人後就今一旦真溘然世上誰如公不朽天台山
中兩女兒有人入山親見之胡麻飯熟待公吃定容軟嚼如
牛齒待來不來何遲遲山桃花開紅滿枝豈知先生久未有
行意但自狡獪形於詩鯁生已過廿七年鬼才長吉蒙公憐
倔彊塵世不稱意何不控鶴癡龍鞭天上差樂良不苦有阿
嬖在何敢先竭來隨園柳似烟先生見卽徵詩篇立言無體
語太偵先生笑曰子來前我生不有命在天

琴操言王昭君齊國王穰女適單于生子世達依其俗欲妻母
昭君吞藥而死元馬致遠漢宮秋曲言明妃和親行至黑龍
江投江而死皆與漢書不合蓋詞家假設之言非關事實猶

文選長笛賦所云屈平適樂國澹臺載尸歸也

鄒陽酒賦清者聖明濁者頑駮

見西京雜記

此在魏徐邈所稱中聖

人之前頑駮語亦未見人引用

嚴九能云楚語伍舉曰德義不行則邇者駮離而遠者距違

韋

駮也伍舉所謂駮離屈平所謂離駮皆楚言也王厚齋之

言云爾案懷王信讒而屈子作離騷其意政與伍舉語合然說離騷者自太史公王叔師以下從未有及此者又離騷可以稱賦不可以稱經王逸稱爲離騷經且解之曰離別也騷愁也經徑也言已放逐離別中心愁思猶依道徑以風諫君也察其語意似屈子自著經字洪興祖云古人引離騷未有言經者蓋後世之士祖述其辭尊之爲經耳逸說非是

郭聚五云朱子注離騷有所感也蓋注此書時在饒之餘干東

山書院乃宋丞相趙忠定汝愚所建講道處忠定係宋宗臣以諛死與屈原全權姦方欲氣忍聲吞則惟有注離騷而已其平居飲酒半酣輒歌離騷數章傷忠定抑亦自傷乎此語頗得朱子注此書之衷聚五名存會康熙間楚之名士金德嘉爲其集序

吳斗南作離騷草木疏亦全此意

文選蜀都賦金馬騁光而絕景碧雞儵忽而曜儀火井沈熒於幽泉高燭飛煽於天垂火井二句是一事案世說卷五注載太沖初作賦云金馬電發於高岡碧雞振翼而雲披鬼彈飛丸以礮礮火井騰光以赫曦似鬼彈火井偶對爲勝

庾子山哀江南賦柵陽亭有離別之賦夜聽搗衣曲柵陽離別賦日知錄云漢書藝文志別柵陽賦五篇詳其上下文義當是人姓名以爲離別非也案廣韻有別姓亭林謂作賦之人

姓別名栩陽亦是一解但庾賦有亭字說文邑部邠字注南陽舞陰亭徐鍇繫傳云漢志有別栩陽亭賦邠假借似今本漢書脫亭字子山不誤東坡南安軍學記使弟子揚解而敘點者三乃誤以人姓名作序次檢點解矣

蔡中郎集袁滿來年十五胡根年十歲皆爲作碑顧亭林云自非利其潤筆不至爲此斯言未可以夔伯喈東漢之末每好刊石立碑想風氣使然隸釋有光和四年童子逢盛碑年十有二稱其聞一知十才亞后囊安知胡袁二子非哲竝甘顏爲時悼惜欲借大筆以永其傳邗趙宋之制凡宗室子女殤者皆勅翰林撰碑誌故宋元憲王禹玉劉原父諸名人集中皆有宗室某墓記僅六七歲三四歲并有一二歲者則又別

論矣

文苑英華蘇頌悼王石塔銘開元皇帝第九子二歲而未及周

祭統曰銘之義稱美而不稱惡蓋若今行狀爲孝子孝孫言之然又曰其先祖無美而稱之是誣也則非人人有銘矣今世無人不作誌傳徒爲識者厭笑元魏隱士趙逸云生時中庸人爾及死碑文墓志窮天地之大德盡生民之能事爲君其堯舜連衡爲臣與伊臯等跡牧民之長浮虎慕其清塵執法之吏埋輪謝其梗直生爲盜跖死爲夷齊妄言傷正華詞損實此論深中俗弊昌黎猶譏諛墓況其餘乎白居易策林云凡今秉筆之徒歌詠詩賦碑碣讚誄之製往往有虛美有媿辭行於時則誣善惡而惑當代傳于後則混真僞而疑將來大非先王文理化成之教也

王簡栖之名文選注作巾說者謂巾閒居服故字簡栖困學紀聞引說文通釋以爲王巾案中音徹草木初生也與簡栖之

字不配吳白華侍郎云中疑當作少卽古左字簡兮詩左手執籥其名與字或取此

徐陵爲貞陽侯重與裴之橫書桓公始反筦仲親射其車不用射中帶鈞語未知所出余弟處素云考工記車人云以鑿其鈞鄭司農云鈞鈞心豈依此爲解邪

陳子昂有周受命頌何異劇秦美新杜甫封西嶽賦表維嶽授

陛下元弼克生司空謂楊國忠也

鄭熏作仇土良神道碑稱爲全德獎爲殊庸

顏真卿撫州寶應寺律藏院戒壇記後秦姚萇引始十一年有梵僧佛陀耶舍譯出四分律本姚萇當作姚興引始是姚興年號

魯公東方先生畫贊碑陰記云先生事跡載在太史公書漢書風俗通案太史公書無東方朔傳褚少孫附益史記滑稽傳

則有之似當作續太史公書

顏氏家廟碑邾武公名夷甫字顏案夷甫卽春秋隱元年之邾儀父名克諡莊公若武公顏乃儀父先世安得合爲一人

宋汪應辰跋馮宿爲某人碑文云韓愈論佛骨時宰疑宿草疏今觀此文諛佞虛誕識見淺俗詞氣卑弱決不能作論佛骨疏時宰之疑其不智甚矣案昌黎佛骨表本於傅奕其上高祖疏有云五帝三王未有佛法君明臣忠年祚長久至漢明帝始立胡祠然惟西域桑門自傳其教西晉以上不許中國髡髮事胡至石苻亂華乃弛厥禁主庸臣佞政虐祚短事佛致然梁武齊襄尤足爲戒昌黎全脫胎於此

柳州先府君神道表曾伯祖諱奭字子燕唐中書令是奭乃子厚高祖之兄也而昌黎柳子厚墓誌銘云曾伯祖奭爲唐宰

相誤矣新唐書作從曾祖亦誤

王厚齋謂柳文多有非子厚作者歷舉他人之文以爲冒入柳集而其遺文頗多散軼案南宋常同嘗親校柳文創刻于柳見汪應辰玉山集御史中丞常公墓誌銘厚齋之說疑出于常公也

白樂天行韓退之比部郎中史館修撰制太學博士韓愈學術精博文力雄健立詞措意有班馬之風求之一時甚不易得加以性方道直介然有守不交勢利自致名望數語已盡韓公一生

楊植許由廟碣云堯而許之日而月之獨孤及仙掌銘云月而日之星而辰之王厚齋困學紀聞載之以爲全一句法案管子小問篇五而六之九而十之莊子庚桑楚篇尸而祝之社

而稷之吳子治兵篇圓而方之坐而起之行而止之左而右之前而後之分而合之結而解之句法從此化出

孫可之罵僮志云淡面鈍口戇揖凝步八字形容不入時宜人妙絕

范文正公岳陽樓記先天下之憂而憂後天下之樂而樂史稱其有先憂後樂之志案大戴禮曾子立事篇先憂事者後樂事先樂事者後憂事文正語本此

宋子京集有娛美人草贊註云虞美人草予謂虞當作娛今世所傳虞美人曲下音俚調非楚虞姬所爲也意其草纖柔爲歌聲所動故其葉至小者或若動搖美人以爲娛樂耳解似迂曲虞娛本一字無足爲異

子京荆王墓誌銘奉樟宮自京師如河南之永安蓋天子之棺

謂之梓宮下天子一等則曰樟宮續漢志諸侯王公主貴人皆樟宮洞朱公特進樟棺黑漆

孫季昭示兒編云世傳北朝來祭皇太后文楊大年捧讀空紙無一字卽自撰曰惟靈巫山一朵雲閨苑一團雪桃源一枝花秋空一輪月豈期雲散雪消花殘月缺伏惟尚饗時仁皇深喜其敏速所說甚妄錢詹事云大年卒于天禧四年其時仁宗未卽位也章獻之崩則大年死已久矣其詞輕豔不可施于母后此委巷無稽之談而季昭采之誤已季昭又云歐陽公奉母夫人喪歸廬陵道過臨江李觀知清江縣太守命作祭文應聲而成曰孟軻亞聖母教之也夫人有子如軻雖死何憾尚饗

宋曾三異全話錄云孟軻之賢母之賢也夫人有子如孟軻夫復何憾語小異

公聽之

甚悲感且擊節稱賞又元蔣正子山房隨筆載賈似道門客

漳守趙介如祭賈文曰嗚呼履齋死循

吳丞相潛

死于宗申

劉宗申知

州循先生死闕死于虎臣嗚呼哀哉尚饗余又聞明斬閣老薨

翰林撰御祭文屢易而不稱旨武宗自爲文曰嗚呼朕在東

宮先生爲傅朕卽帝位先生爲輔朕今渡江聞先生訃嗚呼

哀哉此三祭文體創而古辭簡而盡不可多覲然祭文格式

之奇未有如張子韶祭洪忠宣文者也客齋隨筆載之但云

維某年月日具官某謹以清酌之奠昭告于某官之靈嗚呼

哀哉伏惟尚饗

子韶文亦見俞成盤雪叢說

其後趙忠定卒于揭揚有弔

者其文曰某年月日某官致祭于宋故大丞相之靈曰嗚呼

哀哉伏望上饗蓋倣子韶爲之今世盛行此事佳者旣難得

劣者徒爲笑何不學張公此製省便而藏拙也又唐語林言

裴晉公自爲志銘曰裴子爲子之道備存乎家牒爲臣之道

備存乎國史杜牧自銘曰嗟爾小子亦克厥終此二銘與上

三祭文全格

白虎通天子開諸侯死使大夫弔之弔辭曰皇天降災子遭離之咎行哀哉天王使臣某弔

子孫爲祖父撰碑誌人皆言創始于歐陽公謝野表殊不然

也蔡伯喈祖攜碑

後漢書注

張說自爲父碑

唐書

穆真陳子昂孫遜

爲其父志銘

金石要例

張仲方父抗神道碑

白居易張公墓誌

柳宗元父

神道表

柳集

蘇子美父志

要例

永叔蓋用此例又劉隨自撰高曾

以還之誌

見宋元憲集劉府君墓誌銘

田叔自作父墓碑見宋史儒林敏傳

蘇老泉上張侍郎第二書從香山秦中吟傷友一篇塞驢避路

立數語化出

閻百詩云東坡凌虛臺記首句云臺於南山之下自然是臺字

不知何人改臺爲國方山子傳云方屋而高不知何人改屋

爲舛見潛邱劄記與戴唐器書讀蘇文者宜知之

宋史陳慥傳是屋字

東坡赤壁賦客有吹洞簫者謂楊世昌也虞虹升天香樓偶得
載吳匏菴詩云西飛一鶴記何詳有客吹簫楊世昌當日賦
成誰與注數行石刻舊會藏案坡集有西蜀道士楊世昌蜜
酒歌又次韻孔毅父久早已而盛兩詩楊生自言識音律洞
簫入手清且哀蓋蜀人而游于黃州者故詩又云不如西州
楊道士萬里隨身惟兩膝何必徵之數行石刻耶

世昌字子
京綿竹武
都山
道士

劉原父公是集有說犬馬一篇云由漢以來苟進言于天子無
不以犬馬自予者嗚呼犬馬之賤誠若是甚矣使夫治國守
道之臣進以義退以禮而犬馬之說不已貶乎使夫亂國偷
容之臣進以利退以刑而犬馬之說不以僭乎以下夫犬馬
剛錄之爲人用也功著而利不益身勤而事不害此雖廉能之士

盡瘁不貳何有能過焉亂國偷容之臣何以自比犬馬耶誠使桓靈惠懷之君其左右前後盡若犬馬也則天下何喪焉

宋王珪華陽集魏國夫人陳氏墓誌銘享年六十三慈壽太后

遣中人贈弔之良厚遺奏以其孫公靖爲太廟齋郎婦人亦

有遺奏乎

文苑英華唐權德輿太傅張公夫人谷氏誌銘遺表以車服器用上儀

黃山谷書章深道諸帖云斛律明月胡兒也不以文章顯老胡

以重兵圍勅勒川召明月作歌以排悶倉卒之間語奇壯如

此攷北齊書北史武定四年神武西伐圍玉壁五旬不拔神

武有疾班師時西魏言神武中弩神武聞之乃見諸貴使斛

律金作勅勒歌神武自和之哀感流涕斛律明月乃金之子

斛律光也山谷誤以玉壁爲勅勒川又誤以金爲明月而世

本有此歌神武使斛律唱而自和之耳非斛律所作也樂府

廣題云其歌本鮮卑語易爲齊言故其句長短不齊山谷以此譽斛律殊未審郭茂倩樂府稱無名氏作者得之

宋丁寶臣與兄宗臣皆以文行稱號二丁見王半山文集不止

魏儀廩之稱雙丁也

二丁全登第常之武進有雙桂坊

晁補之有猪齒曰化佛贊其序云崇寧間衡州護喜縣民織氏殺猪祭神而民劉氏獵犬得其棄首骨銜之狺狺四日不食民使其子析之其左牡齒曰中得肉如拇色酣醅由醉王諦視之如來像也髮有珠如粟紺目跣跣瞳子隱然莊嚴畢具觀者萬人從弟目覩其事記于石以示補之援筆爲贊按酉陽雜俎云隋帝嗜蛤數逾千萬忽一蛤椎擊如舊遂置几上夜有光及明肉自脫中有一佛二菩薩像帝悲悔誓不食蛤段成式有蛤像連句兩事頗相類而奇

蘇詩杜陽雜編載唐文宗好食蛤蜊有蟹

之不裂者現善蔭
像與段氏說相似

宋汪彥章藻爲南渡詞臣之冠宋史入文苑傳所著浮溪集賀
李綱右丞劄有云精忠貫日正二儀傾側之中凜氣橫秋揮
萬騎笑談之頃得文武弛張之樞要獨運胸中明古今治亂
之淵源不專紙上老成尚有于典刑天下想聞其風采昔李
晟子儀之功高矣而未嘗定策張良謝安之謀至矣而初不
臨戎永惟元勳夙絕前古既名高而衆妒乃讒就而身危士
訟公寃亟舉幡而集闕下帝從民望令免胄以見國人其推
崇駿極亦惟李公足以當之及李爲張浚所誣落職鄂州居
住藻草制云朋姦罔上有虞必去于驩兜欺世盜名孔子首
誅于正卯相靡有終刑茲無赦又云專殺尚威傷列聖好生
之德信狂喜佞爲一時羣小之宗昔漢棄京房罪本繇于不

道唐誅元載惡蓋在于罔懷醜詆至于如此小人哉藻也其
行秦檜封郡侯制云出處行藏皆合乎道死生禍福不移其
心謀國盡忠嘗若著龜之先見捐身挺節獨如松柏之後彫
定策而安劉氏素聞周勃之賢矢護而翊舜朝終賴臯陶之
智君不借才于異代所資當世之豪英天將降任于是人必
付終身之勳業獎惡黨姦莫斯爲甚試取東坡贈王安石太
傅貶呂惠卿二制觀之眞媿死矣蓋其人有文無行隨時俯
仰者也

上梁文必用兒郎偉之語樓攻媿云舊不曉其義在敕局時見
元豐中獲盜推賞刑部例皆節元案不改俗語有陳棘云我
部領你慙厮逐去深州邊吉云我隨你慙去慙本音悶俗音
門猶言輩也獨秦州李德一案云自家偉不如今夜去余啞

然笑曰得之矣所謂兒郎偉者猶言兒郎懣蓋呼而告之此
關中方言也或有云用相兒郎之偉者殆誤矣見樓集姜氏
上梁文跋余又案北史儒林傳宗道暉被鞭徐呼安偉安偉
蓋猶阿瘡也則兒郎偉者邪許之聲抱經先生以爲然嘗著
其說於鍾山札記王銍默記王溥父祥召卜者問年壽能
至百三四十歲祥喜曰孫兒懣切記之

樓鑰作其母汪太夫人行狀有云燈前與諸婦爲依經馬之劇
或至夜分不倦依經馬不知何戲

攻媿集徑山涂壽禪師塔銘門人宗惠問疾屬以後事仍曰子
以文祭我師整襟危坐傾聽久之至酌茶尚饗爲之盱衡一
笑宋以前惟陶靖節有自祭文後此王炎午有生祭文丞相
文他不多見近時盧雅雨出塞集有生祭蔣蘿村副憲文

汪應辰修武成王殿祝文云維師尚父廟食學宮案史唐開元

間立太公廟在孔廟之西宋制太公廟與國學相對豈南宋

附于太學不別廟耶祝文見文定集

文定撰向子諲墓誌銘稱美不遺餘力毫無貶詞并載劉元城謂其必有立于世胡文定謂其氣節忠鯁徇公忘私然汪作常中丞誌銘云建炎八年秦檜向子諲請與金和潘良貴請戰上命侍從全議子諲堅執講和之說良貴大叱之交爭于上前常公奏事因上顧問乃曰子諲請和而附檜曲在子諲良貴請戰而忤檜直在良貴案宋史潘向二傳良貴叱子諲為論全國報聘及真朱震事非為議和也且子諲以不官附和議忤檜致仕閒退十五年以卒奈何以為與檜全乎文定之言不實

又黃循聖墓誌云楊么據湖湘累年丞相張公出視師以公偕

行官軍遣人往賊所輒被害無敢往者公自請行徧見其黨
諭以朝廷好生之意且賀其得爲平人衆皆歡呼賊首乃隨
公出降湖湘平案岳少保平楊么爲牛臯擒于水斲之何言
黃循聖乎亦非實

彭忠肅龜年策問本朝書盡摹刻往往易得得之易故索之亦
不精知之不難則守之亦不固

顧亭林謂今人述先人行狀而使他人填諱非古也竹汀詹事
云周益公跋初寮王左丞贈曾祖詩末題通直郎田櫟填諱
則宋時已有之元至正間溫州路總管陳所學壙誌其子姓
所述末題楊維楨填諱

見金石文跋尾續卷七

又云余後見徐季海墓

碑其子峴書末題表姪前河南府參軍張平叔題諱知唐時
已有他人填諱之例亭林考之未博耳玉繩案都穆聽雨記

談朱時墓石乃子誌父其諱處字皆畧草與誌文之字不倫
後書曰某人書諱字亦如之乃知諱爲其人親書據此則古
人空其諱處請人另填非若今之但具名而已

朱時不詳何代

明王錫爵潘印川墓銘曰北郭擇里而窆是菟左傳菟裘

公羊作塗

杜注魯邑在泰山梁父縣南郡國志梁父有菟裘聚水經

汶水注有菟裘城荆石以二字拆用未知所出

今大司寇胡公季堂當乾隆壬辰司臬江蘇奏請貤封兄嫂其
畧曰臣先有兄三人均已授室於臣父煦年七十歲以後三
兄四嫂先後物故臣父暮年惟賴臣長兄已故生員長墜之
妻甘氏矢志守節奉養無違後四年而臣始生四齡臣母卽
亡臣甫八歲臣父又故孤苦零丁存亡莫保獨賴臣嫂提攜
教養始能存活嗣爲臣營葬雙親又爲臣延師授室是臣嫂

乃臣家存歿咸賴之人于臣父實無忝孝婦於臣實恩均慈
母往歲本省撫臣以臣嫂守節已逾三十年奏請旌表今臣
嫂已故六載雖 聖朝旌節之典已得叨沐于生前而微臣
銜報之私猶思永酬其身後仰懇 聖慈垂憐格外將臣本
身及妻室應得封典貤贈臣兄嫂云云此奏情詞真摯不可
多見

乾隆四十六年十一月大理寺少卿劉公天成

四川大足縣人

上言請

嚴禁浮費其中一段云臣每見民間冠昏喪祭爭相誇鬪不
惜輾轉稱貸至營造華屋絢耀衣冠以及歲時伏臘觴酒豆
肉竝一切器具務求豐美更有好爲淫祀求神賽願祈福禳
災兼以縱容婦女入寺燒香設齋拜會至於大小生日動輒
延賓三朝彌月競相趨賀茶坊酒肆引類沈酣古寺荒祠呼

羣聚賭不經之費難以枚舉至京師爲萬國衣冠之會屬
在縉紳自應章身有度乃至優人隸卒僭肆豪華胥吏工商
妄誇錦繡園館茶樓一日動耗數日之需浪子酒徒一人每
兼數人之用甚至齊民婦女珠翠盈頭奴婢綾羅徧體緞履
朝鞞僅供奔走之物狐裘貂帽亦隸愚賤之身此其種種奢
侈迥出常經試思造物生財祇有此數旣不能食時用禮量
入爲出勢必漸消漸竭或流入匪徒作奸犯科伊于胡底此
言切中時弊宜聖主以爲佳奏疏也

父執翁覃溪學士

名方綱
大興人

祭先本生司空府君文清切可誦敬

錄於此嗚呼公之經猷炳照冬日公之恪慎表著臺端公之
清節峻歷屏藩在中在外全聲共歎識與不識涕淚汎濶况
我全岑誼切金蘭惻愴之情抑又甚焉追惟全舉今四十年

惟公伯仲出自相門綠野堂陰紫藤花繁一家詞筆奕葉蟬

聯公由省郎出駕熊轡擢居監司游蒞旬宣帝命公歸左右

卿班文章政事終始克全伯也蕭散養痾家園公獨肩之臣

職惓惓報答之心葵藿傾丹奉命祭告湯陵恒山時晉告

飢吏不時聞公還面奏補牘復陳天子曰都振我晉民公

矢靖共惟忠惟勤歲過龍蛇忽嗟斯賢六十又二遽返其真

公今歸乎大滌洞天浩浩白雲下照湖壩累世之積百世之

延我豈私公區區涕潛蓋推公志滌其本原公之精神長在

人寰九霞雲輶時往時還我說刻舟猶滯言詮時乾隆丙午四月

吳少司空省欽成都重建靈應寺碑記有云釋迦氏之教於中

土有南宗北宗於外蕃有黃教紅教黃教傳自前藏之宗喀

巴崇德七年達賴喇嘛班禪額爾德尼知東土有聖人萬

里通款數年始達闡法宏遠紅教傳自後藏之多爾濟以方

術名彼道中已為外道至布魯思古以達爾黨為道場以色

丹巴為初祖以札達克誦咒之術奔布爾殺戮之術為梵行其毒惱尤

甚泥浸舊名大金川攢拉舊名小金川之酋眾舉聽命於喇嘛華言番僧視

唐回鶻可汗與茹葦之摩尼其國者殆有過焉彼其紅衣紅

帽固已異於黃教之宗乘而所為且紅教所不為貪忿嗔殺

以速其敗亡焚其旅而殲其族轉經之樓演撲之壁凡為我

燹毀而駐兵守其中者豈可勝道而波旬之道達思拉紅教所持

經名之經曾不足以自保也二教始末畧具於此

應城程拳時名大在山堂集有蘄州毀悟空像記其畧云蘄俗

以六月某日賽二郎神神一人前導山民呼行者舉行者名

則元人小說所載孫悟空也是日蘄人無遠近皆來就觀輟

市肆肅衣冠立於門出隻雞百錢爲壽必請命于行者以致於神一不與則行者機變畢動趨捷若生擊人屋瓦器皿應手皆碎甚則人受其咎蓋鬼物之能爲厲也必有憑焉其附於物無定質而害之中于人無常形雖謂悟空靈可也乾隆甲戌州牧錢侯聞其事悉取像焚之山民始而駭旣且喜稍置酒茗慶於家蓋自是迺知向者之爲妄云吾杭清泰門有時遷祠行竊者祀之石屋嶺又有楊雄石秀廟其妄政全陸雲士湖堦雜記云六和塔下舊有魯智深像今毀矣當日聽潮而圓應在此處進瀧浦下有鐵關說是宋江藏兵處國初江滄人掘地得石碣題曰武松之墓當日進征青溪用兵於此種乘所傳殆不盡誣也惟涌金門金華將軍人以爲卽張順歸神非是

清白士集卷二十四

梁玉繩

警記七 雜事

陸雲士湖壩雜記半山卽臯亭山山後嘗有白蛭起自林端狀如曳帛見則損田禾鳴金逐之方去此蟪蛄之類也案集韻蛭蛄蟬也於蟪蛄之義甚遠楊升菴丹鉛錄云虹俗謂之蠶諺曰東蠶日頭西蠶雨婁元禮田家雜占亦作蠶明湖州守陳幼學有驅蠶碑記蠶乃魚名蓋借以呼虹耳翟晴江云爾雅釋天注江東呼蟪蛄爲雩釋文雩于句切俗呼蟪蛄若吼本于句之切而稍轉之讀句若穀書此字者當作雩似未確杭諺九月十三晴釘鞋挂斷繩馮夢禎快雪堂日記載之案占書亦謂是日晴主冬晴柴賤故有釘鞋生日之語毘陵胡芋莊香吳有釘鞋生日詩又明沈榜宛署雜記燕市賣鞋人以

九月朔日爲韃生日供具祭之以其陰晴卜一冬寒煥極驗
文文山有小年夜詩乃十二月廿四日也今則以除夕前一日
爲小年夜又冬至前一日亦謂之除夜見老學菴筆記

凡溫泉必下有流黃丹砂人皆知之而亦有白礬王褒溫湯碑
銘白礬上徹是也又有鹽溫泉水經注夸水東與溫泉三水
合大谿此泉先出鹽於今水有鹽氣

通典中引簡地志卽括地志也唐德宗名适括與适全故諱括
爲簡

乾隆四十二年八月 上諭金史世記稱金之先出靺鞨部古
肅慎地本朝肇興東土疆域與金全舊稱滿珠所屬曰珠申
後改稱滿珠而漢字相沿譌爲滿洲其實卽古肅慎爲珠申
之轉音也又 御製全韻詩注滿洲清字本作滿珠我國家

肇基于東故西藏每歲獻丹書皆稱曼珠師利大皇帝今漢字作滿洲者蓋因洲字義近地名假借用之遂相沿從俗云

乾隆五十一年十一月漳州逆犯林爽文在臺灣倡亂攻陷諸

羅彰化等縣居民隨全官兵盡力守禦或毀家紓難或爲國

捐生 天子嘉之命改諸羅縣爲嘉義縣五十二年十一月泉州各

莊賜褒忠旌義里名漳州各莊賜名恩義村五十二年三月爽文於

五十三年正月被擒伏誅

嘉慶二年春貴州南籠府种苗滋擾郡城被圍半載紳士民人

隨官軍固守無虞 詔改南籠爲興義府用昭勸勵安籠鎮

亦改爲安義鎮

俗有營造犯土之說其來已久容齋四筆嘗引後漢書來歷傳

皇太子犯土禁事爲證案鍾離意傳注東觀記言意爲堂邑

縣作屋功畢爲解土祝論衡解除篇駁解土一段最詳

說文祓字注引或說城郭市里高縣羊皮有不當入而欲入者

暫下以驚牛馬曰祓此說甚奇不知何時之法

疑王有所說許氏常引王

育如蒼頡出見禿人伏禾中因以制字之類其言多不經也育章帝時人作史篇解說見困學紀聞卷八

五代史

記四夷附錄德光入居晉宮以契丹守諸門門廡殿庭皆磔

犬挂皮以爲厭勝豈卽縣羊皮之意歟

宋張功父有桂隱百課所謂釋名宦之拘囚享天真之快適也

然考功父四并集云三月曲水修禊

一作曲水流觴

六月霞川食桃

七月霞川觀雲

一作霞川水藻

八月霞川野菊中秋摘月樓賞月九

月景全軒金橋皆百課中所未有又周密齊東野語云功父

園內作駕霄亭于四古松間以巨鐵絙懸之半空而羈之松

身當風月清夜與客梯登之飄搖雲表有挾飛仙溯紫清之

意百課中亦無駕霄亭之名

文淵閣在文華殿之後乾隆四十一年建以貯四庫全書置領閣事二員以大學士協辦大學士翰林院掌院學士兼充置直閣事六員以科甲出身之內閣學士詹事少詹事講讀學士兼充置校理十六員以庶子講讀洗馬中贊修撰編檢及科甲出身之內閣侍讀等官兼充又設檢閱官八員以科甲出身之內閣中書兼充另派內務府大臣一員兼充提舉閣事掌管鎖鑰啟閉琅函蔚煥誠千古未有之盛也

羸川蔣良驥東華錄載順治十四年二月諭諸漢臣曰人心澆薄受業師略不致禮惟以考試官爲師以理論之自幼教育宜始終敬謹若考官朕所遣也豈受業比哉自後明示禁革大哉王言此禁當重申之

姜太史西溟云宋時稱狀元謂之文魁見文文山集今舉于鄉者有文魁扁蓋祝之也

本朝狀元出身無戴孔雀翎毛者乾隆四十一年四月大學士于敏中丁巳殿元賞戴花翎及圖形紫光閣又賞戴雙眼翎七月陝西巡撫畢沅庚辰殿元賞戴花翎前此未有也

劉原父敞撰續諡法五十取古聖賢文學之姓氏名字以爲諡如教化無方曰尼先覺重任曰摯之類殊不可訓

濟南王大司寇乾隆初賜諡文簡三十九年十二月又奉上諭王士正之名因恭避廟諱而改正字與元名字音大不相同恐流傳日久後世幾不復知爲何人著改爲王士禎庶與其弟兄行派不致混淆凡各館書籍記載一體照改

乾隆四十年十一月上諭獨子不准出繼本非定例前因太

僕寺少卿魯國華條奏經部議准行但立繼一事專爲承祧奉養固當按昭穆之序亦宜順孀婦之心所以例載不得於所後之親准其另立實準乎情理之宜也至獨子雖宗支所係但或其人已死而其兄弟各有一子豈能視其無後見存者尚可生育而死者應與續延卽或兄弟俱已無存而以一入承兩房宗祀亦未始非從權以合經又或死者有應襲之職不幸無嗣與其拘泥獨子之例求諸遠族何如先儘親兄弟之子不問是否獨子令其繼襲之爲愈乎嗣後遇有孀婦應行立繼之事除照例按應昭穆倫次相當外應聽孀婦擇其屬意之人併問之本房是否應繼取具合族甘結卽獨子亦准出繼庶窮養得以母子相安而立嗣亦不致以成例阻

格著爲令

乾隆四十八年之冬廣西永安州葉道和與岑照科場舞弊治罪籍沒江西省并其兄葉道中查封時道中爲撫州府照磨也明年正月廿二日奉 上諭從來緣事獲罪之人兄弟本不相及如因一人獲罪將其兄弟貲產概行查抄辦理未免過當若以未經分析盡免入官則應行查封者皆得託言財產未分任意隱匿使貪吏子孫仍復坐擁厚貲亦何以示警嗣後有獲罪查抄而兄弟未經分產者將所有產業據其兄弟人數分股計算如家產值銀十萬兄弟十人每股應得一萬祇將本犯名下應得一股入官其餘兄弟名下應得者概行給予以昭平允葉道和一案卽照此辦理著爲令因道中兄弟兩人未經分產故有此 諭仰見 聖主大公至正無纖毫波及無辜也

嘉慶七年八月重申爲令

乾隆丁酉十一月兩江總督高公晉奏淮安府山陽縣監生程允元其父程勛著於康熙六十一年在京貿易與直隸平谷縣人原任蒲州府知府劉登庸締結姻親惟時允元年甫二齡劉女生纔周歲其後允元隨父回南父歿之後相依兄嫂仝居劉登庸旋亦身故眷口流寓天津路遠音絕迄今五十餘年允元因劉女無從尋訪不肯另娶訓蒙課姪取給筆耕茲於乾隆四十二年允元在大河衛前幫漕船教書隨船北上四月間行抵天津彼處里人競傳有貞女劉氏父在日曾與淮安程姓爲婚後緣父子繼亡姊妹俱逝僅存此女孀獨無依迨年至及笄舊族名門頗多議聘鄰姬里媪咸願爲媒此女矢志不回先則針指度日苦操難名繼則寄跡尼菴隱形深室雖十歲之童末由見其一面允元聞言赴菴諮訪始

知卽係元聘妻室當經幫弁移明天津縣該縣聞此異事隨傳劉氏至署再三勸諭乃當堂與允元合卺成禮隨幫南下現已回籍臣等以爲士惇百行惟節義足振綱常女守三從必貞潔斯維風化今山陽縣監生程允元暨聘妻劉氏訂絲蘿于黃口諧花燭于白頭守義懷貞五十年來如一日完名全節二千里外有同心史冊罕傳古今僅覩良由 聖世中和位育教化涵濡是以膠庠成正士不二之志允諧巾幗有完人從一之操終遂謹據實奏聞可否准予旌表以昭獎勵奉 旨賞給銀三十兩表曰義貞之門

晉孟陋喪母不飲酒食肉十餘年親族迭勸之然後從吉蓋釋服之謂也唐律不孝條居父母喪釋服從吉徒三年今律亦載于十惡之條卽期喪從吉猶杖六十乃世俗於簡帖直書

從吉二字不亦異乎

事有過乎情而實背禮可笑者宋著作佐郎俞充祖早世祖妣陳氏再從人及卒充之母辜氏置几筵其家而哭之持喪三年見王禹玉華陽集金世宗制子爲嫁母服喪三年見金史本紀

今之葬者以男左女右爲次不以中邊爲敘女柩夾男柩術家所忌古人無此說韓元吉宋迺墓誌銘始葬歐陽夫人卜地於崇孝鄉陸村規爲三竈再娶向氏亦前卒旣啟壙而納之今公遂處其中是不以左右爲次也

史記貨殖傳博戲惡業也而桓發用之富抱朴子云予素惡賭博而今盛行此戲無貴賤皆好之廢時失事莫斯爲甚則知此風自昔如是東坡集記相國寺道人戲語云紹聖二年五

月都下有道人坐相國寺賣諸禁方緘題其一曰賣賭錢不
輸方少年有博者以千金得之歸發視其方曰但止乞頭道
人蓋諳本朝典故者宋史太宗紀淳化二年詔犯蒲博者斬
欲斷惡業當用此典

律有獄囚取服辯條元典章吏制凡府司官對衆審訖取服辯
文狀然服辯之名不起於元也樓攻媿先兄嚴州行狀敘折
獄事云伏辯有二如使吏曹附口語代書辭容有誣服今其
親筆也則宋時已有此稱

宋史王衣傳有之
言伏與辯二事也

元姚牧菴浙西廉訪副使潘公澤神道碑凡人鬻人皆畫男女
左右食指橫理於券爲信以其疎密判人短長壯少與獄辭
全蓋卽今手印而驗法頗異

凡官府公文訟牒掌書記者簿錄事件之大略謂之摘由此語

亦古樓攻媿朝請大夫史公墓誌銘知新昌縣書劉放百千

言反覆切當雖宿姦巨猾無復異辭君念去後猾吏或爲姦

利則貧弱必受其害乃許請斷由以備

宋史雷德驥傳有詳由語又官有憑由司

俗間以放債爲業者京債最重人每爲所累案漢書王子表劾

光侯劉殷坐貸子錢不占租取息過律免陵鄉侯劉訢坐貸

穀息過律免則知取息有律而重息之罪甚嚴以其病民也

翻切起於孫叔然而涿郡高誘在孫之前其注呂氏春秋淮南

子有急氣緩氣閉口籠口之法已爲翻切萌芽矣

顏氏家訓音辭篇言

高貴鄉公不解反語以爲怪異

廣韻注錯誤甚多如以離婁爲孟子門人台賁育作一人以賁

爲姓猶其顯然者耳

史記蔡澤傳索隱云夏育賁育也全誤

禮記桃曰膽之而担字音直廣雅擊也玉篇拂也則亦當作担

俗誤借爲擔字

丁度集韻鄆想止切音璽漢侯國名攷史漢年表無鄆侯之國
惟昭帝功臣成安侯曾孫郭長諡鄆集韻蓋誤以諡爲國而
諡法無鄆疑卽思之異文音隨字變如齊丁公之作玗公耳
但師古又音臬一本作泉不音璽不可曉

字書湯字以爲泄水門一曰停水無別解也偶讀山谷普覺禪
寺轉輪藏記由食時乞飯至於日餽百人而不渴義不可通
因疑湯蓋與賜偶通盡也文選西征賦若循環之無賜新唐
書李密傳敖庾之藏有時而偶然無左驗後周方叔卮林
解詩紀古咄咄歌棗適今日賜謂湯字全賜與余說合方叔
又引光明經曰善明請佛明士等六百萬人諸天神王卽助
施飯食已飽足飯不消湯又維摩詰經云鉢飯悉飽衆會猶

故不鴻更得山谷用事所出

仲中二字古人通用然皆以中作仲而以仲作中甚少惟華山廟碑中宗作仲宗

騷與臊通山海北山經鯨魚食之不驕郭注云或作騷騷臭也太平御覽所引諸書半爲人間未見其尤奇者立后土國語諷諫木國語臺甲孔叢子莫知何書所加名目殊不可解漢武帝洞冥記與郭子橫洞冥竝列東陽無疑齊諧記與吳均齊諧全登又有徐衷南方草木狀皆所未聞

宋魯嘗字季欽嘉興人著有夢溪已矣集見周益公省齋文彙季欽墓誌銘集名甚別王阮亭池北偶談載明末新安妄人楊光先刻一書曰不得已附于孟子之闢異端政相類光先書乃闢西人之法者

柳子厚工書劉禹錫祭柳文稱其草隸繼美鍾索然頗以自矜

其見於世者惟般舟和尚與彌陀和尚二碑而已

見金石錄

宋劉

莘老摯忠肅集觀柳書彌陀碑詩子厚少年頗疎雋字合飄

逸狂不羈胡爲氣質反端厚至今觀者多有疑又云碑陰三

百四十字疎瘦勁麗何精奇九十三人姓名具陳續寶歷元

年題云此柳書一碑者元和三年刊厥辭至是二月始建立

都其事者楊與倪德清許周生家藏柳書石刻其辭云口城

柳神所守驅厲鬼出七首福四民制口醜末題元和十二年

柳宗元其石乃天啟三年得之柳州井中者則柳書不僅二

碑矣歐陽公筆札精勁雄偉自爲一家當世士大夫有得數

十字皆藏以爲寶而未嘗爲人書石

見歐集後其子發等述先公事跡

劉原

父平生未嘗輕爲人書銘祇書程丞相神道碑及江鄰幾墓

誌見劉貢父彭城集爲兄行狀

諸公何以惜吝不傳如是尹和靖少喜字

書嘗因書碑全舍聚觀伊川笑謂之曰是固無害第將爲人

役也自是不復書

見韓元咎集書尹書東銘後

想諸公亦全此意李北海

接碑多自書且自鑄之則又何也

石刻多陰文而陽文頗少水經注卷十鄴縣西門豹祠碑隱起

爲字蓋陽文也

本朝字右行造字者曰薩海沈宮詹荃嘗疏請崇祀見程哲蓉

槎蠡說引梅雪坪細書隨筆亦作達海朱竹垞韓公莢墓碑

云祭酒阿理瑚請以故大學士達海從祀孔廟公以爲造

國書一藝爾不可從祀

韓議見有懷堂集

乾隆丁酉十月 上諭四庫全書館進呈李薦濟南集其詠鳳

鳳臺詩有漢徹方秦政句因檢北史文苑傳敘亦有頡頏漢

徹跨躡曹丕之語始皇酷虐無道後人顯斥其名自無不可
曹丕躬爲篡逆稱名亦宜若漢武帝尚爲振作有爲之主興
賢用能獨持綱紀雖驢武惑仙乃其小疵豈得直書其名與
秦政曹丕竝論乎著交武英殿將北史文苑傳敘改爲漢武
其李廌集亦一體更正

世傳元人以詞曲取士攷元史選舉志及元典章皆無其事胡
震亨讀書雜錄言其友秀水屠用明藏元代皇慶三年鄉試
錄一帙所載考試程式與元志無異則元未嘗以詞曲取士
也而試錄中有一條云軍民僧尼道客官儒回回醫匠陰陽
寫算門厨典僱未完等戶願試者以本戶籍貫赴試僧道應
試已屬可笑尼亦赴考尤可怪豈元時有女舉人女進士乎
此條存疑

司馬溫公集科場奏論有圓毡兩號所對策辭理俱高之語劉
昌詩蘆浦筆記載趙清獻充御試官詳定軻轅輓解劔五號
卷屍補之雞肋集亦云彥魯通字號卷余擢爲開封第三此
皆宋取士編號之法以卷多防複隨配偏旁以廣其文宋史
表宗室諸名亦類是故多不可識

今公私簿帳每以千字文編排試士場屋亦然蓋宋時已有之
韓无咎赴信幕寄子雲叔喚及全寺詩游宦三年方啟足寄
書千字又從頭自注家書以千字文爲號

左都御史紀公昫奏向來試春秋用胡安國傳而胡傳中多有
經無傳其可以出題之處不過數十節如本年鄉試竟有一
題而五省全出者且安國作是書以諷高宗而斥秦檜與孔
子之意不相比附恭讀 欽定春秋傳說彙纂駁胡傳者數

百條 御製文曾闢其說而科場所用以重複相全之題習
偏謬失當之論殊覺無謂請嗣後春秋題俱以左傳本事爲
主參用公羊穀梁之說庶足以勸經學而裨文風得 旨允
行時乾隆五十七年十一月也

四弟匠誨有女名相貌端而性淑不幸病殤弟作文哀之集吾

翁所書碑誌中字刻諸石或有以爲創者余曰聖教序

東觀餘論

永仙觀碑

畢氏開中金石記

吳將軍碑慈雲寺詩皆集右軍普照寺

興造記集柳

石墨鏤華

胡武平碑集褚周益公泛舟游山錄古人多有之

世俗簡帖却人餽遺則書璧字翟晴江通俗編歷舉歸璧事以
爲當本於儀禮聘禮之還玉恐未必然以是用左傳僖廿三
年晉重耳受飧反璧事余因思左氏昭十三年有衛人饋叔
向羹與錦叔向受羹反錦事則用錦字亦典

余少時在貴州遵義郡有寓公徐某賃屋居西門苦竹街取宋書徐勉語云常恐時人謂我宅久未得對余師嚴麟如先生

名琪方朴山先生門人

與徐皆山陰人往訪之談及此師應聲曰何可

一日無此君徐大喜卽書作楹帖

古人以形體命名者如頭眼耳鼻齒牙手足掌指臀腹臍脾之類皆有之而莊子達生有祝腎列子湯問有魏黑卵北夢瑣言有孫卯齋則奇矣以獸畜命名者如牛羊狗彘之屬多有之而北夢瑣言僞蜀親騎軍人有李蝻蛆郝牛屎遼史皇族表有遼西郡王驢糞金史宣宗紀有四方館使李癩驢元史泰定紀有太尉丑驢則太不雅矣史漢高祖功臣表有繁侯張惲獨元蘇天爵滋溪文彙御史中丞董忠肅墓誌銘末云女適崇福司丞張歪頭二張之名亦僻而俗

元泰定紀有中書左丞潑皮

命名有不可解者姑以一二端言之箕子比干伯夷雖聖皆逢

時不善者也而漢平帝名箕子

見漢書諸侯王表

何敞六世祖名比

干

見范史敞傳又魏書有吉陽男名比干

杜根父安字伯夷

見范史豈取虞時之伯夷乎又風俗

通怪神篇抱朴子登涉篇並有伯夷杜子美之僕名伯夷見集

盜跖曹操萬世所共惡也而

漢有芒侯彰跖

見漢書高祖功臣表

隋梁士彥子名操字孟德

見隋書明流賊

有曹操卽羅汝才

何所取諸

梁元帝作全姓名錄唐宋以來續有撰著然古今全姓名者何

限或異代或並時恐錄之不勝錄也昔年嘗欲與處素弟輯

宗族全名錄左傳而下若史漢若晉書魏書几年表紀傳中

宗室之全名者觸手皆是餘不具論吾友翁誦芬以爲徒費

心力無所用之遂輟不爲然有一本相承與始祖與遠祖與

高曾祖父四代全名者如齊祖呂牙而靈公太子名牙苒祖

茲與期而後世有茲平公及展與庚與趙祖季勝而春秋時
有趙勝戰國時有公子勝平原君亦名勝田齊祖陳完而陳
恒之兄曰完子周高圉之父名辟方而其後孝王又名辟方
厲王名胡而其後僖王又名胡齊秦王翦六世祖名賁而翦
之子又名賁漢司馬遷之先有相中山者名喜而遷之祖又
名喜司馬蒯聩之子名昭預而晉文王又名昭伏生爲宓子
賤之後而又字子賤春秋蔡昭侯申與高祖文侯全名漢平
州侯昭涉掉尾之子名福其玄孫又名福平臯侯劉宅之曾
孫名勝其玄孫之孫又名勝之曹操之曾祖名節其女孝懸
后又名節春秋莒渠丘公名朱而犁比公名買朱鉏鄭厲公
突與其祖武公掘突全名杞文公益姑與其父桓公姑容全
名漢劉繇父名興繇長子基又字敬輿魏安同父名屈其子

又名屈漢疆侯畱章復其子又名復廣陵孝王子廣平侯父

子名德宋林邑王父子名楊邁羅處士父子名靖遼的魯子

徒离骨嗣爲夷离董仍以父字爲名明劉忠武父子名江

榮劉豈不異哉又宋明帝名彧其子後廢帝名昱其音全魏獻

文帝名引其子孝文帝名宏音義竝全春秋衛桓公完名諡

全音五代梁末帝名友貞而年號貞明漢隱帝名承祐而年

號仍乾祐夏主仁孝父名乾順而年號乾祐亦不可解

明建文君名允文奎姣子

書中人名有用數目疊字者宋陳四四剖心療親嘉定十一年

表其坊嘉禾志尚六六元和以來能膺粟樂府雜錄馮六六元時女

妓青樓集亦見王世貞宛委餘編常六六明常遇春父宋文憲開平王碑殷七七潤

州鶴林寺道人能開頃刻花續仙傳李沂公勉寵妓名七七善

琴箏

因話錄

嘯唱弟子張七七

東京夢華錄

元冀寧平遙等縣曹七

七反

元史順帝紀

陶八八授顏真卿碧霞丹

列仙傳亦見李石續博物志

李懷

光外孫燕八八

唐書本傳

元微之有代九九詩

見集

劉九九元末將

楊鐵崖風雅遺音序

張十十唐宮人

舊唐書莊恪太子傳

安十十伶奴也

五代史記王思

同又宋時一川官二僕名初三初四

張端義黃山貴耳錄

黃山谷有喜念

四念八至京詩

山谷二弟小名

滿洲書名多不繫姓公私稱謂截取首一字代姓呼之此固有

所本也白居易代朱忠亮答吐蕃東道節度使論結都離等

書稱論公麾下虞集正心堂記稱忙哥帖木耳爲忙侯錢竹

汀金石文跋尾續載至正二十二年嘉定州重建儒學記稱

鐵穆爾普華爲鐵侯蓋稱謂之間旣不知其氏族又不可全

舉其名不得已而呼之如此故又有單呼下一字者如竹汀

跋崑山州重修三皇廟記稱全知州事傑烈石爲石君是已

然稱下一字今世未聞

魏志管輅傳典農王弘直稱直注城門校尉華長駿稱駿皆單呼下一字

古人數世次有連身離身二法而連身數者爲多如後漢書蔡

邕傳稱邕高祖之父勳爲六世祖是也若離身數之者顏真

卿郭揆神道碑銘五代祖昶高祖澄歐陽珪神道碑銘六代

祖僧寶五代祖頌高祖紇學士殷踐猷墓碣銘五代祖不害

高祖英童韓愈薛戎墓誌銘稱戎高祖德儒爲四世祖柳宗

元表父神道稱高祖之父且爲五代祖白居易李紳家廟碑

銘五代祖遷高祖孝卿元微之墓誌銘五代祖弘高祖義端

裴君夫人李氏墓誌銘五代祖休烈高祖至遠元稹韋珙母

段氏墓誌銘其四代祖襄國公揚州都督贈輔國大將軍生

曾祖宣州長史諱弘珪宋祁賈令公注墓誌五世祖諒高祖

瑾韓元吉李文淵墓碑五世祖懷德爲閩馬步軍都總管逮公之高曾猶儒業不得仕黃梨洲以數世離身爲是

史書中二法竝

用可不拘也

古人凡相與言及書帖詩文中多自稱其字不定稱名其來甚遠日知錄廿三卷歷舉十餘條爲證而不止乎此也伊尹名摯禮緇衣引尹吉曰惟尹躬先見于西邑夏衛將軍文子名木植弓文子辭子游曰子辱與彌牟之弟游祭公謀父韋昭以爲字周書祭公對穆王自稱謀父項籍字羽史記羽本紀令軍中曰楚王陰令羽誅之狐偃字子犯史晉世家偃答重耳曰犯肉腥臊何足食閔賁字仲叔後漢書八十三閔謂侯霸曰以仲叔爲不足問耶安邑令敕吏給猪肝閔歎曰閔仲叔豈以口腹累安邑邪今俗以署名爲敬以稱字爲簡蓋不

足語于斯

錢詹事金石文跋尾續有政和八年古革題名爲古成之四世

孫案古姓最古廣韻周太王去邠適岐稱古公其後氏焉蜀

志有廣漢功曹古朴又攷抱朴子祛惑篇有古強孔子勸之

讀易西京雜記有京兆古生後漢書邳惲傳有長沙孝子古

初魏書有古弼北齊書文苑傳有古道子天保時校定祿府經史道子與焉見

韓元吉南淵甲二葉第二卷或程江古革之先世與後漢東平王蒼傳有古籍

聖無加于宣尼賢莫過于顏曾而賞譽之家持相推許如以楊

震爲關西夫子王起爲當世仲尼黃憲爲顏回張霸爲曾子

之類指不勝屈胡元瑞史書佔畢周方叔卮林載之已不免

妄矣甚至有稱名取字毫無忌憚者不獨顏回爲羌帥曾參

爲市人而已此豈得全于長卿慕爾耶以余所見漢有薛方

正字夫子

唐宰相表

乞伏熾盤時有征西將軍孔子

西秦錄

北魏有

都督曹仲尼

魏書

唐武后時有同州魯孔正爲拾遺

韋氏

宋齊

正字超回

南唐書

漢有許暹字顏回

顏氏家訓

諡和士開有士曾參

北齊書

又宋書世祖以沈伯玉容貌似圖畫仲尼像呼爲孔正

則侮聖尤甚其與兩遷仲尼像戲言何異然金石錄有魏鎮東將軍劉乾碑云諱乾字天自且以天自處則比跡聖賢尚是卑牧耳

全姓通譜日知錄謂見於史者自晉以前未有歷舉晉至唐通譜事論之案北史序傳李禕之死趙郡李榮來弔欲與連類卽日自名勞之唐書張說與張九齡通譜系二事亭林未及今俗拜盟之風最爲濫雜其弊更甚於連宗三國志馬超傳注馬騰與韓遂結爲異姓兄弟晉書張耀靈傳張祚與趙長尉

緝等結異姓兄弟其拜盟之始乎顏氏家訓風操篇比見北
人行路相逢便定昆季望年觀貌不擇是非至有結父爲兄
託子爲弟者此言深中其弊北周于謹以唐瑾學行兼修自
周文願與仝姓結爲兄弟周文賜瑾姓于氏因人之欲改己
姓而反改姓以就之尤屬異事至宋明帝與蘇侯神結爲兄
弟以祈福助唐莊宗與伶人結十兄弟則誕且怪矣

漢哀帝尊祖母定陶恭王太后傅氏爲帝太太后後又尊爲皇
太太后此婦人稱太太之始也古者婦人稱太最重故列侯
之夫人非子復爲列侯不得稱太夫人

見漢書
文紀注

乃自明末以

來風俗替弊無貴賤皆稱之如猥賸江通俗編所載者不亦
大可笑乎

祝俗生子多以姑娘呼之取其易養也最爲陋習偶閱唐書見

李君羨小名五娘太宗云何物女子如此猛勇則唐已有此風矣因思孟子馮婦風策徐夫人史記封禪書丁夫人佞倖傳韓嫣范史儒林包咸傳右師細君方術傳魯女生宋書魯爽小名女生世說晉謝琰小字末婢梁書馬仙婢魏書孫道登傳宗女通鑑唐宣宗大中時尚婢婢元史泰定帝紀苗曾的娘亦其類也

唐宋以來僧之貴者賜紫衣蓋始于武后賜僧法朗案魏書釋老志云漢世沙門皆衣赤布後乃易以雜色則賜紫沙門或

因漢衣赤之制歟

又有賜黃者元文宗賜僧訶笑隱黃衣

淫俗有借壽之說其始昉于九齡夢錫之附會乎父既可損年以與子則子亦得減算以增親此說相沿久矣二老堂雜誌云先夫人

周益公母王氏

紹興戊午棄世始聞陰陽家言壽當至四

十七凡精于藝者其說舉全丁巳春外祖母淑國夫人宋氏
病甚先夫人請命于天願損已十年以益淑國竟薨明年先
夫人亦卒蓋年三十七陰陽家說固未可深信然何爲數之
相符也世俗皆云祈損壽以益人者所損如其言然則十年
之天其偶然耶抑有爲而然耶某嘗疑之後讀眉山唐子西
母史夫人行狀見其因夫病請死爐香未絕史疾暴作卒以
不起乃知世俗之說不爲荒唐矣又韓南澗魏叔介墓誌銘
考諱良臣諡敏肅侍敏肅疾至刲股爲藥卽刺指血寫佛經
祈以己年延父之年舉族稱其孝

宋史柳約危稹
皆類損壽益親

官衙驅使之僕謂之長隨蓋本前明內官之名秦徵蘭天祔官
詞長隨齋到鏤金盤自注答應長隨內官之賤者職掌召對
欽賜諸項奔走之役鄭曉今言司禮監范亨爲逆瑾所忌遣

長隨王成等殺之杭堇浦太史有長隨七律四首摹繪最工
古來姦人每自擬聖賢董卓比太公曹操比文王無論已王莽
事事學周公又欲比孔子故曰天生德於予漢兵其如予何
王安石學周公亦欲比孔子其門人以垢汚面黑進澡豆安
石曰天生黑於予澡豆其如予何見夢溪筆談雖一時戲語奚兩
王之相似乎金陵寶公塔院有王雱祠安石題詩云斯文實
有寄天豈苟生才一日鳳鳥去千秋梁木摧復比其子於孔
子何狂諄如是

水滸傳元本乃錢唐施耐菴得宋張叔夜擒賊招語備悉一百
八人所由起因潤色成之或以爲羅貫中編蓋取施本增益
演造未可知也見游覽志餘七修類彙莊岳委談宋史張叔夜傳止言宋江

起河朔汪應辰王學士師心墓誌銘言政和八年河北劇賊

宋江轉掠京東徑趨沐陽公擊敗之遁去俱不言人數東都
事畧侯蒙傳稱宋江三十六人橫行河朔癸辛雜志續集載
龔聖與三十六人贊皆不云一百八人也以俗本較之三十
六人中冇晁蓋孫立而無公孫勝林冲敘次多不全名號亦
小異如穆橫俗作弘尺八腿劉唐俗作赤髮鬼一直撞董平俗作雙鎗將
鐵天王晁蓋俗作托塔先鋒索超俗加急字鐵鞭呼延綽俗鐵雙金鎗班
徐寧俗班作手賽關索楊雄俗賽作病短命二郎阮小二立地太歲阮
小五俗二阮互易浪裏白跳張順俗跳作條而宣和遺事言之甚詳其
起由于朱勔之運花石綱如楊志賣刀吳學究劫生辰綱宋
江殺閻婆惜及受天書等事竝有之而送生辰綱者北京畱
守梁師寶不名世傑亦不言是蔡京婿押送者縣尉馬安國
非楊志也稱三十六人爲天罡猛將以宋江爲帥不在此數

三十六人中有公孫勝杜千

不作

無解珍解寶其名號多與

今本全襲贊異惟吳學究名加亮不名用盧俊義姓李楊雄

姓王二阮爲阮進阮通李俊爲李海關勝名必勝張橫爲火

船工張峯杜遷爲摸著雲杜千降後各受武功大夫分注諸

路巡檢使宋江收方臘有功封節度使至所謂一文青者據

李日華六硯齋二筆乃羣盜馬阜之妻後以配張用而龔贊

燕青有其名何也又王阮亭言兗州陽穀縣西北有冢俗呼

西門冢大族潘吳二氏自言是西門嫡室吳氏妾潘氏之族

見香齋筆

記卷十二 豈亦實有其人歟

宋史劉豫傳豫將
關勝與俱降金

五官不相通而古有眉語之說特虛爲形容耳若獸則有牛以

鼻聽龍以角聽蛇以眼聽非人所能也隴蜀餘聞云康熙間

田侍郎雯巡撫貴州時有孝廉黃之驂耳不能聽以眉聽真

異相也

脉有反關有歇至近有人祇一手有脉一手無脉此理殊不可曉前人未聞論及此

阿育王譬喻經昔有國遣臣至他國市吾國所無者往至他國徧觀盡是國中所有最後見一賢者空坐肆上便問之答言在此賣智慧耳問君智慧何象賣索幾許答言直五百兩金遠人自念我國中無賣智慧與人便稱五百兩金與其人卽與說智慧之言二十字言長慮諦思維不當卒行怒今日雖不用會當有用時此與馮煖爲齊市義全一機趣勝賣癡獸矣

羅隱嘗韋貽範曰我脚間夾筆可敵數輩此徒大言耳

見十國春秋

然實有以足作書者酉陽雜俎大歷中東都天津橋有乞兒

無兩手以右足夾筆寫經乞錢書跡官楷書不如也又秀水李奇生勺錄引繪城隨錄云有黃華者雙手能寫二牘或楷或草揮毫不輟各自有意華亭董舍三岡識畧云粵西全州有無臂道人者少爲將砍去二手病廢隱居方外喜學書以肘挾筆揮灑不倦士大夫甚重之每書款自稱無臂道人卒不言其姓氏二事亦奇

鄭處誨明皇雜錄開元中名醫紀明者吳人觀人顏色談笑便知疾深淺不待診候劉貢父贈醫潘況秀才序潘君相有病于未病治已病于無病色喻于目脈喻于指聲喻于耳三者參用藥至病去汪聖錫與喻玉泉書王晉老不待按脈而知人病是皆神于術者淮南說山所謂良醫常治無病之病故無病也

明木工蘇人蒯祥能主大營繕蓋都料匠也永樂中建北京宮殿正統中重作三殿及文武諸司天順末作裕陵累官至工部尚書成化十七年卒壽八十四身歷六朝可謂奇矣

今市肆有補齒鋪懸牌云鑲齒如生蓋宋以來有之樓攻媿贈種牙陳安上文陳生術妙天下凡齒之有疾者易之以新纔一舉手使人終身保編貝之美陸放翁晚歲幽興詩卜豕治棺輸我快染鬚種齒笑人癡自注近聞有以補種墮齒爲業者七修類彙有種齒說與今補齒不全

永城人宋獻策明末賣卜燕市遇李自成拜國師導之入都自成敗走宋歸降隸旗下至康熙初年乃死見查他山人海記卽傳奇所謂宋矮兒也

太平寰宇記

七十卷

雅州嚴道縣周公山者老傳云昔諸葛亮征

南於此夢周公遂立廟以靈驗聞僞蜀乾德六年封顯聖王
武侯夢周公必有冥契之處他書不載若呂氏春秋博志言
墨翟夜見周公則妄矣

梁溪漫志云京師二相公廟世傳子游子夏也乞夢甚靈異其
猶吾杭于忠肅祠祈夢乎

杭州府署內土地祠是東坡先生籤用蘇詩絕句此亦如射洪

陸使君祠

梁刺史
陸弼

以杜詩爲籤也

見放翁
詩自注

錢詹事金石文跋尾續第七有元文宗元統二年孝烈將軍祠
像辨正記謂木蘭也姓魏毫之譙人孝烈將軍之號不知何
時所封來氏樵書謂隋煬帝時木蘭征遼有功授尚書不受
帝欲納宮中遂自盡贈將軍諡孝烈然與樂府木蘭詞不合
乾隆四十一年七月 上諭關帝在當時力扶炎漢志節凜然

乃史書所諡竝非嘉名陳壽於蜀漢有嫌所撰三國志多存私見遂不爲之論定豈得謂公從前 世祖章皇帝曾降旨封爲忠義神武大帝以褒揚盛烈朕復于三十二年降旨加靈佑二字用示尊崇夫以神之義烈忠誠海內咸知敬祀而正史猶存舊諡隱寓譏評非所以傳信萬世也今當鈔錄四庫全書不可相沿陋習所有志內關帝之諡應改爲忠義第一本傳相沿已久民間所行必廣難于更易著交武英殿將此旨刊載傳未用垂久遠其官板及內府陳設書籍竝著改刊此旨一體增入欽此

辛棄疾南燼紀聞契丹主耶律延禧語二帝曰我祖眞宗在日有百穴珠一顆大如雞卵每穴有珠一顆月圓之夕以珠映之其珠自穴中落下以絳紗承之每月可得珠百顆又有通

香木一尺沸湯沃之取其汁灑衣服及萬木花卉屋宇間經年不歇人有奇疾服之卽愈燒之降天神香聞數百里當契丹爲金所滅二物不知所在余謂世間恐未必有此奇物特虛詫之辭耳譬喻經云昔有夫妻無子祀神求之遂便懷妊生四種物一梅檀斗盛米二甘露瓶三寶囊四七節神杖其人歎曰吾求兒女更生餘物便到神前重求所願神言食此米升用之無盡甘露密瓶食之無減而消百病珍寶之囊用之無損七節神杖以備凶暴兒子豈能辦此其人大喜還家試驗不虛國王聞之遣兵往奪其人擎杖飛擊皆悉退散無復憂患遼主之言得無類是

明史西域撒馬兒罕國有照世杯光明洞徹照之可知世事

查氏人海記云順風耳西洋巧工所製以銅爲管節節相續約長丈餘如千里鏡之式虛其中口大而末小向空中傳語自

上而下或自下而上相去五六里聲息相聞此器從古所未有也案御覽引衛公兵法令人枕空胡祿臥有人馬行三十里之外東西南北皆響見于胡祿中名曰地聽亦此類但不
知胡祿是何物

蒙古方言滿洲帳房曰博斯克燥達帳房曰蒙古格利蒙古稱天曰吞利歸化城混呼爲蒙古博

黃山谷與党伯舟帖云唐林夫作一臨書卓子中有抽替卓面兩行許地抽替中置燈臨寫摹勒不失秋毫今人家間有之而不知此製起於唐氏也

全里汪翼滄鵬三至日本攜歸其國松井氏墨譜一帙所造墨數百品佛足碑墨爲最余于汪處見之小楷圖式皆絕精汪云有王衍墨長寸餘闊八分兩頭如圭凡課書文字不假刀

水直以墨就誤處磨之一掃無痕惜購不可得

酉陽雜俎載明皇賜祿山品目有龍鬚夾帖疑卽今護書

高江村天祿識餘謂摺疊扇古名聚頭扇僕隸所執取其便於袖藏以避尊貴之目元時高麗始以充貢明永樂間稍效爲之至於揮灑翰墨則始成化間近有作僞者乃取明初名公手蹟入扇可哂也杭堇浦識餘跋謂聚頭扇見之金章宗詞咏出歸潛志攷容齋四筆載朱翌摺疊扇詞云宮紗蜂趕梅寶扇鸞開翅數摺聚清風一捻生秋意張安國書於扇翌與東坡全時七修續彙云東坡言高麗白松扇展之廣尺餘合之只兩指豐坊家有趙彥所畫摺扇陸儼山有楊妹子書絹摺扇翟晴江通俗編引夢梁錄有周家摺摺扇鋪余又案宋王禹玉華陽集趙概墓誌銘報聘契丹席上請賦信誓如山

河詩詩成契丹主以素摺疊扇授其近臣劉六符寫公詩自
置袖中然則此扇流行中國起於北宋不但非僕隸所執卽
揮灑書畫北宋亦已有之特不皆用紙爾而許周生曰通鑑
齊紀一褚淵入朝以腰扇障日胡梅礪注云腰扇佩之於腰
卽今摺疊扇據此則其來久矣江村固疎諸公亦攷之未審
明萬歷間張野塘子少塘孫聘甫俱以善三絃傳見毛西河集
雨中聽三絃示女士王玉映詩明末山陰鄭岱夢憶云吳中
絕技有范崑白之泊三絃子楊升菴藝林伐山謂三絃始于
元案通鑑後晉記五帝常令左右奏三絃琵琶當卽此物恐
不始于元也

古宿沙氏初煮海作鹽遂爲鹽之神安邑縣舊有鹽宗廟謂之
鹽宗尊之也宿亦作夙又作質神農時諸侯大庭氏之末世

也見文子魯連子呂氏春秋淮南說苑說文水經注路史後
紀今之業鹽者不聞祀鹽神何耶

老學菴筆記南豐曾氏享先用節羹菴鵝則粥世世守之則粥
未識作法亦不解命名之義

烟之名不知起於何時翟晴江無不宜齋集有咏烟草排律三

十六韻引景岳全書謂明萬曆時始出於閩廣間長汀黎媿

曾

名士弘康熙中
官洮岷巡道

仁恕堂筆記云烟始于日本傳于漳州之

石馬明天崇間禁之甚嚴有犯者殺無赦今則無地不種無

人不食朝夕日用之計侔于菽粟酒漿矣余案三藏法師譯

毗奈耶雜事律第十卷緣在王城時常嬰疾病曾吸藥烟得

蒙瘳損諸苾芻以緣白佛佛言有病者聽吸烟治病苾芻不

解安藥吸烟佛言可以兩椀相合底上穿孔於中著火置藥

吸之不應用竹可將鐵作長十二指勿令尖利亦勿麤惡置
碗孔吸烟用了不應輒棄可作小袋盛舉挂象牙杖上或笏
竿上後於用時不應水洗應置火中燒以取淨所說穿碗之
法雖異而制造器具頗與今全其殆昉于西方乎

鴉片狀若沒藥而深黃柔韌若牛膠味辛大熱有毒海外諸國
并西域產之彼處名合甫融成化癸卯嘗令中貴收買其價
與黃金等見明徐伯齡蟬精雋

稽神錄泉州文宣王廟有身笏樹每州人登第則先生一笏貞
明中忽生一笏半其年陳遯進士及第黃仁穎學究及第海
錄碎事邵武郡庭有石榴一株士人以結實之多少爲登科
之信熙寧庚戌有雙實於本末者又有附枝而雙實者是歲
葉祖洽上官均名在一二何與均兄弟全榜祖洽有句云不

負榴花結露枝杏林桂樹陳陳相因從未見使此二事者

明馬氏日鈔

名愈字和之吳郡人

西苑闕虎城內有元時四松樹高四五

丈虬枝垂地世所謂鐵牙松也我朝封爲四指揮使其俸米

作飯以濟孤貧命二闈領其事惜薪司供柴爨秦封松爲五

大夫之後又一固實

唐武后封嵩山天封觀古柏三株爲五品大夫見五色線柏亦嘗受封也

山谷集有與党伯舟一帖云千秋木佳物也可得數軸頭不知

千秋是何木陸游入蜀記有提舉茶鹽石端義者性殘忍每

捕官吏繫獄輒以石鹽木枷枷之蓋木之至堅重者每日木

名石鹽天生此爲我用也斯殆彌尾青之類然亦不知何木

余幼時見

上賜文莊公方石榴二枚其形如印榴房四合子

似瓊屢後聞是葉爾奇木所貢

宋元憲感雞賦序云畿邑男子蔣福者多畜雞內一雞三足其

一足拳而弗用一雞獨足與羣雞上下感物理之異而爲賦
文與可王店雞詩云王店有郵吏養雞殊可笑昂然處高襟
不肖以時踈官有宿此者西征待初曉雞竟不一鳴問吏吏
已告云此最荒絕左右悉蓬蓼狐狸占爲宅恣橫不可道前
此三四雞一一遭其暴自後始得此其若有人教雖然謂失
且似得保身要觀此二事材不材之間可以知所處矣

日本碎語

元人朱世字希賢以所歷海洋山島與夫風物所聞舟航所
見各成一詩詩尾綴以古句名鯨背吟徐伯齡蟬精雋載之
吾杭汪翼滄賈於海外著日本碎語一卷亦云袖海編備記
彼國之山川風俗物產史家作外國傳必有取乎此余嘗憇
憑鮑君以文刻入知不足齋叢書尚未果略采數則如左非

希賢以詩滑稽比也

估客所集之地爲長崎島又名瓊浦猶中國一大都會也距王城尚三千餘里山水秀麗烟火萬家有七十二衛衛各有名又曰町町有長客舟至則町長主之適館如歸宴會無虛日官有使院秩視二千石專司兩國通商之事帶理崎政一年而代通稱曰王家其屬曰牟行司又有高木王世守其地使院之事得協理之

坐以東面爲尊有所使令則拍手代呼聞聲而至性和緩雖甚

怒無疾言遠色

同安陳倫炯海國聞見錄云東洋人語言寂寂呼僮僕鳴掌則然諾

臥無被褥有寢衣亦無一定之所但用六幅短屏障之卽別內外矣枕用木名麻姑喇僅四寸許豎枕腦後不著耳故其聽較華人爲聰

席地而坐無拱揖之煩客至主人以烟盤置客前中置火爐烟
盒唾壺各一聽客自取呼烟爲啖巴菰烟筒爲幾世畱宴客
亦人各授一器如古槃匱之屬高廣尺許酒爐製作甚精銅
表錫胎以木架承之下二層貯諸色器具名曰便道又有郊
游所攜者名曰受百果茶甌頗大而點茶不過二三分酒杯
如椀而斟必十分淋漓而止少則爲不敬也行酒必主人先
飲而後酌客

妓風最盛宴必有妓名曰撒羹其進館以申刻點名出亦如之
名爲應辦性多聰慧工修飾善事客且爲客謹出入握籌算
若將終身焉以是客多惑之客納妓名曰太由華言大夫也
其俗有換心山落魄橋之諺言唐人經此心醉魂銷忘其爲
旅人矣妓所居之地曰花衛有狐狸廟月祀之若優伶之家

則祀雷海青云

男女俱不剃胎髮男至成童只剃頂髮留兩鬢及腦後者總梳一角澤以蠟油紮之惟醫人替者剃髮如僧

五倫中惟君臣主僕之義最嚴其他蔑如也凡生子先女而晚得男者卽納壻爲長子幼子降而爲孫舉三子者過繼一二故仝胞而不異姓者極爲難得

人死無棺殮用木桶趺坐其中實以麝香翼日而葬貴賤一體子若婦持服二十五日而畢

長崎在彼國稱窮島然寡人絕少富家資產盈十萬夜懸一燈於門倍者燈亦倍之

書籍甚多間有中國所無之本亦建聖廟有官稱聖廟先生客有攜書往售者必由聖廟官檢閱恐涉天主教耳余購得古

文孝經孔氏傳及七經孟子考文補遺傳之士林焉

俗禁天主教甚峻唐船初至例有讀告示踏銅板二事告示敘說天主邪教煽惑人心慮容有挾之而來者故徧諭之銅板鑄天主像踐踏以明無習教之人

諸菜中萊菔最佳有九子梅紅花千瓣一蒂九子結實時止畱四五枚大如杯

鴉之大如鵝飛時百十爲羣而不畏人

海岸多鹿皆大魚所化常見魚躍出沙際不踰時而已奔之跂跂亦有鹿身魚首尚未全變者

余三到崎嶇未得一游王都會因遭風漂至一處遙望白石爲城眞如蓬萊崑閩不知何國恐未必是其都也

年姪潘恭辰